

ርእሰ ኢሳይያስ ናይ ግብለት አፍሪቀ ዝያረት ሽቅል እንዴ አትመመ ዐዱ አቅበለ



ርእሰ ኢሳይያስ አፈወርቂ፡ ምን 22 ኦገስት እት ጅምሁርየት ግብለት አፍሪቀ ለወደየ ዝያረቱ እንዴ አትመመ፡ ዮም 26 ኦገስት አልዐስር ዐዱ አቅበለ።

ርእሰ ኢሳይያስ፡ እብ ዐዘመት ርኢሰ ሲሪል ራማፎዝ፡ እት ዮም

24 ኦገስት መዲነት ጅምንሰርግ እት ተሐደረቱ፡ ዐዘመት ለትቀደመት ዲሶም ማርሐት 65 ድወል ወመሰኡሊን እድንያይ ወናይ መንጠቀት ወመዝማት እት ሐድረዉ እጅትመዕ ሰብ ሽርከት ድወል ‘ብሪክስ’፡ መብደእ ኤረትርየ

ዲብ ሓድር ተየልል ዛልም ንዛም አርት ቅጥብ እዲን ወኤዝያይት መደረቱ ለከሰስ ሽፊሕ አስመዐ።

መዋመጦርለ እጅትመዕ ርኢሰ ኢሳይያስ ምስል ርኢሰ ጅምሁርየት ግብለት አፍሪቀየ ሲሪል ራማፎዝ፡ ርኢሰ ጅምሁርየት ግብለት ሱዳን ሳልቫኬር ማያርዲት፡ ርኢሰ ውዘረእ ጫድ ሳልሕ ኬብዛቡ ክምስልሁመ ውዘረእ ካርጅየት ቤላሩስ ወፔኒዝዌላ በንቦኖም እት ወደዩ መፋህማት፡ እት ጠወሮት ዕላቃት ክልኢቱ ለጀሃት ወሰዳይት ሕድ፡ ክምስልሁመ ሕሰር ሕበር እት ቡ ናይ መንጠቀት ወእዲን ቅደይ ወተጠውራቱ ሀድጉ።

ምስል ርኢሰ ሳልቫኬር ማያርዲት ወርኢሰ ውዘረእ ሳልሕ ኬብዛቡ እት ወደዉ መፋህማት፡ ሐርብ ሱዳን እግል ልብጠር፡ ድወል ግዋሬ ሱዳን ለአንበተያሁ ጸገም እብ ለትደቀበት እግል ለልተላሌ እቡ አግቡይ ዲቡ ሀድጉ።

ዲብለ ገብአት ህድግ፡ ወዚር ካርጅየት አሰይድ ዐሰማን ሳልሕ ወሰፊር ኤርትርየ ዲብ ጅምሁርየት ግብለት አፍሪቀ አሰይድ ሳልሕ ዐመር ሹሩካም ዐለው።

እምበል እሊማ፡ ርኢሰ ኢሳይያስ ወምስሉ ጋይሰ ለዐለ ውቁል-ልኡክ ኤረትርየ፡ ዲብ ድዋራት መዲነት ጅምንሰርግ ለህለዩ መአሰሳት ጀውለት እንዴ ወደ፡ ወራታተን እበ ከስስ ምስል መመቅርሐትለ ሽቅል ትጋመ ወተውዴሕ ነስኢ።

መደረት ዝላም እት አቃሊም ቅ/ብ/ቀየሕ፡ ዐንሰበ ወጋሽ-በርከ

እት አቅሊም ቅብለት በሐር ቀየሕ - ምዴርያት ባጼዕ ወፈሮ፡ ወላዊል ዝላም ዘሃይፍ ዲብ አብያት ወፈርያት ጩወ መደረት አጅፊት።

እት ዮም 23 ኦገስት ዲብ ድዋራት ባጼዕ ለዝላም ለሰበቡ ውሓይዜ ዲብ ግረህ ጩወት ዛዕከር እግል ልትጀቀፍ ጅመዕ ለዐለ ሐድ 3 አልፍ ኩንታል ጩወ ልትገሌ ዲብ ህሉ፡ ዲብ መሰነዕ ጩወት ገርግሱም ህዩ ርሐብ ግረህ ጩወ ወ ሐድ 5 አልፍ ኩንታል ጩወ ዲብ በሐር ክም ተሓበረ፡ መፍርየት ጩወ ሐበረው።

ህዩም ዲብ ሐብረሆም፡ ምን ከበሰ ለትከረ ውሓይዝ ወሰዝላም ለአትሌቲ ውሓይዝ ዲብ ግርሆም እብ ትሉሉይ መደረት ክም ለአጀሬ እት ለሐብር፡ ለትከሰስ ጀህት ሰዳይት ማሸኔሪ እግል ቲዳ እግሎም ትፋነው።

ዲብ ድዋራት ባጼዕ ዲብ መሓብር መፍርየት ጩወ ዛዕከር፡ ገርግሱም ወሐስመት ለትከምከመው፡ ሐድ 250 ነፈር መፍርየት ጩወ ህለው።

እለ እበ ትሹብህ፡ ዲብ ምዴርየት ፈር

ዲብ 24 ለትጸቢሕ ላሊ እግል መደት አርባዕ-ሳዐት ለዘልመት ወላዊል ለትሓበረዩ ዝላም፡ ዲብ ደገጊት ዙላ፡ ዐድ-ዐማሮ፡ ገለልዲንዴ ወፈሮ 16 ብኸ ወድቅ እት ህሉ፡ ዲብ ገለልዲንዴ ዙላ ወማይላካሶ ሰለስ መድረሰት ክም ትደመረየ ወኪል ኤሪሳ ሐበረ።

ክምስልሁመ፡ እብ ሐዲስ ብኩይ ለዐለ ዐግምት ዙላ፡ አፍታ፡ ሐድሽ ወዐድ-ዐማሮ ተሃገገ።

እብ ጀህት ብዕደት፡ ዲብ ምዴርየት ዐዲ-ቀዬሕ - እዳረት ደዋዬሕ ኢግላ እት ዮም 22 ኦገስት ለዘልመት ዝላም-በረድ ትርድት፡ 31 ረአስ ምን ንዋይ ውሒዝ ክም ዝኩ፡ መሰኡሊ እዳረት ደዋዬሕ አሰይድ አሕመድ መሐመድ ሐበረ።

እሊ ክእነ ዲብ እንቱ፡ እት ዮም 25 ወ26 ኦገስት እት ምዴርያት አቁርደት ውሒዝ እበ ዘልመት ዝላም እብ ሰረፋራ እት ኡዳም ወማል ከሳር አጀፊት።

እብ አሳስ ሓብሬ ወኪል ኤሪና እት ዮም 25 ሐቆ አድህር እት መዲነት አቁርደት ለዘልመት ዝላም ድቅብ ዚንጎ

ናይ 80 ቤት ልትገልጸጽ እት ህሉ፡ 28 ዳረት ወክልኦት ትኩል ወዘራይብ መዳርስ ወክብያት ሰከን ወድቀ። እበ ዝላም ለትክዜት ወሰት 18 ሰነት ሽምብሬብ እት እሰብዳልየት አቁርደት ትዳዌ ህሉት።

እምበል እሊመ ዐዋሚድ ከህረበት ወኤሪቴል ወዕጪይ ዐባዩ ክም ትዋደቀ መሰኡሊን ዳሕያት እት ለአክዶ፡ እት ዳሕየት ዐሊባናይ ወድ 60 ሰነት እናስ እብ ቃቅት ክም ሞተ ወወድ 20 ሰነት ወልዱመ እዙይ ክም ህለ ለከበር ወዴሕ።

እት እዳረት ደዋዬሕ ሽላብ 50 ረአስ ምን አግል ወአባጌዕ ቃቅት ክም ቃተለቱ እት ልትሐበር፡ እት ሐሽቫይ ወአሽረ -ምዴርየት ሐጋት እበ ዘልመ ዘላይም ድቁብ እት ንዋይ ወአምዋል ከሳር ክብድት ክም ጀሬት ወወድ 4 ሰነት ጅነ እብ ቃቅት ክም ሞተ እት ልትአመር፡ ሐቱ ቤት ክም ነደትመ ለከበር ወዴሕ።

እምበል እሊመ እት ምዴርየት ድጌ እዳረት ደዋዬሕ ተክረሬት እት አብያት ሰከን ከሳር ክም ጀሬት ለበጽሐተነ ሐብሬ ተአክድ።

ውዛረት ዐመል ወደማነት እጅትማዕየት፡ 187 አንሳት አድሐረት

ውዛረት ዐመል ወደማነት እጅትማዕየት እብ መጃላት ክያጠት፡ ነሲጅ፡ ሕድርየት ወትባኸት እግል መደት 6 ወሬሕ ለአድረሰተን 187 ሬፍዐት ዓይለት አንሳት እት ዮም 24 ኦገስት ዲብ ቃዐት መርከዝ ተእሂል ደብዐት አቅሊም ምግብ አድሐረት።

ዲብለ ውዘረእ፡ ርኢሰት መሕበር ወጠን አዋልድ አንሳት ወዐዘመት ለጉብአት እግሎም ጋሽ ለሐድረው ዲበ መድሐራት፡ ዲብለ ውዛረት

እጅትማዕየት ሙዲር ዓም ቅስም እዳረት ወማልየት አሰይድ እመሀ ኪዳኔ፡ ዎርት ምን አግደ መብደእ ሽዑብ ወሕኩመት ኤረትርየ፡ መተንካብ እት ኖስ እበ ልብል ሽዓር፡ ለመድ ሽቅል እንዴ ጠወርከ፡ መዋዋኒን መፍርየት አፍሪቀት ክምቱ እት ለሐብር፡ ግረ እለ እት መጅተመዕነ ለነፈዕ ምህናት ክም ለአተንክቦ አከደ።

ወኪል መትድሕረት ህዩ፡ ራክባተ ለህለዩ ምህነት ምን መትጸባር እንዴ አባረየ መፍርየት መዋዋኒን እግል ልግብአ



መሰኡል ፈሬዕ መሕበራይት ደማነት ወክልኦት ማል አሰይድ ጉብርውኡብ ፍሰሃዬ፡ ለደረሰ ምን 16 ምዴርየት አቅሊም ምግብ ለትፋገረየ ሬፍዐት ዓይላት ወ8 ነፈር ውዛረት ዐመል ወደማነት እጅትማዕየት ክምቶም ሐበረ።

እምበል ተእሂል ምህነት፡ ዲብ ሽቅል እዲን ዶል ልትፈረረ ለሰድዮን ምህሮ እብ ተውሳክ ክም ደርሰያመ እመር ህለ።

ዲብ ውዛረት ዐመል ወደማነት

ክም ትንፍዐን እት ተሐብር፡ ለረክበያሁ ተእሂል መሓግዝ መናበረተን ዲብ አርህዮት ዶር ውቁል ክምቡ ወመናበረተን እግል ልቀይረ ምንን ለልጠለብ እግል ለአትምመ እብ ስም መትድሕረት ገለድ በይኡት።

ዲብ ደንጎብ፡ እግል እት ምህሮህን ለፈደበዩ ጀዋእዝ ልትህየበን ዲብ ህሉ፡ እብለ ደረሰ ለትዳለ ፈርያት ተእሂል ህዩ እግል ዕፌ ትቀደመ።

ተበረዓት እግል ዓይላት ሹህደእ

ዲብ ለትፈናተ ድወል ለነብሮ ኤርትርየን እግል ራዐየት ዓይላት ሹህደእ 15,220 ዩሮ፡ 10,800 ክሮነር ወ 30 አልፍ ነቅፈ ተበረዓት ክም ሀበው፡ ውዛረት ዐመል ወደማነት እጅትማዕየት ሐበረት።

ለተበረዓት፡ እብ መሕበር “መጋብህት እብ ደሚር” ለልትአመሮ ሰካን ጀርመን እት ረአሰለ እት ሰነት 2022 ለጸብጠውን 6 ዓይለት ሹህደእ፡ እት’ለ ሰነት ጎናመ እብ ተውሳክ ዐስር ዓይለት ሹህደእ እግል ልሰደው 6,750 ዩሮ፡ ሰካን ኑሩንበርግ ወድዋረ - ጀርመን 5 ዐይለት ሹህደእ እግል ልሰደው 2,880 ዩሮ፡ ዲብ ሆላንድ ለነብር ኤርትራ ክልኤ ዓይለት ሹህደእ እግል ልሰደው 1,440 ዩሮ፡ ብዕድ

ዲብ ሆላንድ ለነብር ኤርትራ ሐቱ ዓይለት ሽሂድ እግል ልሰደው 1,440 ዩሮ፡ ብዕድ ኤርትራመ ዲብ አርብ ለትነብር ሐቱ ዓይለት ሽሂድ እግል ልሰደው 720 ዩሮ ትበረዐው።

እምበል እሊመ፡ መሕበር ኤርትራ-ጀርመን እት ክል-ሰነት 3 ዓይለት ሹህደእ እግል ልሰደው ለነስኦወ መግደረት እት ለአተላላ፡ 30 አልፍ ነቅፈ፡ መሕበር ሺንኦከር - ሰዊድን ሐቱ ዓይለት ሽሂድ እግል ልሰደው 10,800 ክሮነር ክም ትበረዐው ለሐብሬ አከደት።

ቀደም እላመ፡ መሕበር ሹዕላ - ኖርወይ እግል ረዘቀት ሰንዱቅ እማነት ሹህደእ 10 አልፍ ክሮነር ኖርወይ ብረዓም ክም ዐለው ልትአመር።

ከሊመድር ርዕሰ ኢሰያስ አፍወርቂ፡ እት 15^ይ ወዕለ ብሪክስ

እስልፍ ምስሊ ሰልፋያም ፈርሐቶም ለሽርሐው እብ መትሓባርዬ፡ እግልከ ሓይሰ ርዕሰ ጅምሁርየት ግብለት አፍሪቀ ወብዕዳም መስሉሊን ሕክማት ብሪክስ፡ 15ይ ወዕለ እግል ትሰርግሎ ምን ደቀብኩም፡ አሰናይኩም እብል።

እግል ሽዑብ ወሕኩመት ግብለት አፍሪቀ፡ ፊድ'ለ ዜነት ለትህይብ ሕድርኖት ውጅህት ምን ደሚር ሐምድ። እሊ ወዕለ እሊ፡ እድንያይ መጅተመዕ እት ክልኦት ፍልቀ ገበይ እተ ህለ ዲቡ ወክድ ገብእ ሰበት ህለ፡ ምህም ጋር ወድዩ። ለዓመት ህሉት ሐቅፋይት ለኢኮን ለኢተኦትሳኔ እብ ቃኑን ወመሳዋት ለኢትሄርር እድንያይት እዳረት፡ መሻክለ ወነዋቅሰ አትራዛቅ ለኢለኦትሐዝዩ ዋድሐት አኪደት ተ።

አሜሪካ ለትመርሐ ጨባብ ናይ ፍንቱያም ሽራኩት (ፓክስ አሜሪካና)፡ እግል ሐድ ኦሮ ዘበን ዐቦት ሕበር እዲን እንዴ ሐለከት፡ መደረት ዐባይ አጅሬት።

ሐቅ ካልኣይ ሐርብ እዲኑ ክልኡ ሐረት እንዴ አትወካረረ፡ እተ ሐልፈዩ 30 ሰነት ምሮት ቅዋብ እንዴ ሚረፈት ለገብእ ስታቲብ የም ለኦለቡ መሐለኪት፡ ዐዳወት ወረብሸት ሰበብ።

ናይ ሕበር መናፊዕ ወንዮት ለኦሳሰ መዕነት ለበ ሽራኩት እት ፍንጌ ድወል ወገባይሉ፡ እት ሱዉይ መትሓባር፡ ራትዐት ክፍለ ርዝቅ ወጠን እተ ለትንክበት ምስንዮት ወመትሓባረ እት መጅተመዕ እንዴ ክለቅኩ ዐቦት እዲን እግል ትወቅል ለዐለ አብካት፡ እት መሻክል ካረዩ።

እትሊ ለሐልፊኑ ክልኦት ዘበን፡ ለትሰጀለ ዐጃይብ ሄራር ቴክኖሎጂ እብ ራቴዕ አግቡይ እት ኑዕየት መንበረት ኩሉ ወድ-አዳም እግል ልዋሌ ወዐቦት ሕበር እተ እግል

ልክደም አብካት ውጡይ ለዐለ እሉ ተ።

ምናተ፡ እትለ 11 ሳዐትመ እንዴ ኢተርፍ፡ ለአግደ ሰብ-ጸገት ዐሚም፡ እዲናን እተ ቀደም እለ ርዕሊ፡ ለኢትአምር አዝማት እግል ትትሸመም ዳሩክ ህለው።

እግል እብ አሜሪካ ወሕልፍ ኔቶ ለልትመረሕ ሐርብ ዩክረይን እግል አትሳዋር ልትረኡ ለህለ ልጃም ለኦለቡ ዓበዮት ክላፍ እግል ትሸርሐ ለኢልትቀደር ለትአሸወልል መደረት እግል ልሰብብ ለቀድር ተ።

አሜሪካ ወሰብ-ሽርኩተ፡ ሄራር ታሪክ ግረ እግል ልብለሱ፡ እግል እብ ቃላተን ለኢትትህንኦ ለልብላህ 'እድንያይት እዴ ለዓሊት ወዐሚመ' እግል ለአድምን እብ መብቅያይት ገበይ እት ጀርቤታት ቀቢጽ አትያት ህለዩ።

እሊ ሰያሳት እሊ፡ እት አፍሪቀ፡ ምግባይ ምፍጋር ጸሓይ ወብዕድ ድዋራት ዐለምን እተ ሐልፈ ዕቁድ ለትረኡ ወለኦተላሌ ለህለ ሐርብ ደማር፡ ቅያሱ ልትፈናቱመ እንድኢኮን፡ እብ ዓመት ሰብበ ለህለ ደማር፡ እብ አማን ሰኒ ገዛፍ ተ። አዜ እት ኒጀር እንርእዩ ለህሌን ተዋልል ሰመዕ በሲር ናይ ዘበናይት ግብርኖት ተ።

ኩሉ ለእግል አሮብ ዔማት ጣቀት ለገብእ መዓድን ዩራንዩም፡ አሰክ አፍሪቀ እንዴ አቅበሉ፡ ዲብ ዔማት ከህረበት ናይ እለ ለትህመሸት ክፍለት-እዲን ውዕል ምን ለዐሌ፡ እት እንብል እግል ንሕሰቡ እንቀድር።

እብ ክሰሰ ባልሐት ቅደይ ወኦትናሳር ሰላም፡ ኩሉ ለልትካብብ ወእቱ ለሸቄ መኦሰሳት ኬን እንዴ ከሬኑ ዱቅሪ ለገብእ ወእብ ውካለት ቀንጽ ለህለ ሕሩባት ኬልም፡ ለበዝሐ ምኑ ሐል ክም ኢረክብ እብ ዋይዲባት ለትሐበካ ተ። ቅዋት



ሕፍዝ ሰላም፡ ሰዓይት እንሳንዩት ወብዕድ ሕሰር ዛይድ ወሰሀር ክም ብእቱ እግል ኦተምሰሎቱ፡ ለከድም መሀድእ መጸጸት ሌጣ ተ።

መኦሰሳት ወዐንዲ ፍክር እድንያይት እዳረት፡ ክምሰልሁመ እት ሚሳቅ መንዝመት መጅልሰ ቅራን ዋዴሕ ክ'መ ለህለ ለረዬሕ መባድእ፡ ለበዝሐ ወቅት እብ አፍዓል ኢቃኑናይ ዋይዲባት ለትክርደና ተ። ለዐቢ ቅደይ ሰላም እዲኑ፡ እት ናይ ዐለም መኦሰሳት ዐድል እንዴ ትቀደመ፡ ለልትረኡ ዲብ ወፍርድ ሰኒ ለረክብ እተ ሓለት ኢህሌት። እት አካኑ፡ ናይ ሕልፍ ወመትጸባዋ ናይ ገሌ ጀሃት ኬርዓይት ሐለት እንዴ ገብኡ፡ ቃኑን እዲን እግል ልካይድ፡ ሕሩይ መሻቀዩ ጋብእ ህለ።

ቃኑን ለኬደ በደናት ወመኔዕ፡ እብ አሜሪካ ለልትደዩር ናይ ማልዩት፡ እቅትሳድ ወፍርድ መኦሰሳት፡ ክም ሰለሕ እንዴ ትካፈዐኩ ብዕድ እት ደፋትሮም ለህለ አላት ጀዘ ወአዋምሮም ለኢመይዐ ህዩ እት ጃዙ እቡ ልትረከው።

አርደት ጣፍሐት እግል ልርከቦ እሉ ህዩ፡ እሎም ናይ ዕምጽ ወአከይ አፍዓል ሰያሳት ህዩ፡ እብ ከሊማት ግሩም እንዴ ትጣነበው፡ እበ አርደት ፋይሐት ለገልብብ ጣዬዕ ወሳይል ዕላምም፡ እብ ደጋጋም ለአትካብሩ።

ምናተ፡ ምስል ኩሉ እሊ ተዐብ፡ እሊ ሻክፍ ወመብቅያይ ሰያሳት እት ኩሉ እንክራት ዐለም ትሩድ መቃወማት እት ክልቅ መጽእ ህለ።

ሐ-ዳም ምናም እንዴ አዘምኩ፡ ለበዝሐት ንዩት ውላድ-አዳም እበ ክምቱተ፡ ዐዳለት ወቃኑን ለትኦነግሱ፡ እት ሕሸመት ሕርየት ወሰደደት ድወል ለትነደቀት፡ ረሕመት ሕድ ለብእተ ዐዳለት እጅትማዕየት ለኦሳሰ ፋእደት ለብእተ ሸርከት ዓድለት ወሰዳይት ለልኦደምን፡ ራቴዕ ወዓድል እድንያይ ንዝም እግል ለህሌ ትትሸኪ።

እለ አሰክ አዜ ሸክለ ለኢጸብመት ሸንህት ወሐረካት እግል ትትመም፡ እተ መጽእ ሰናታት ቅሩብ ዛይድ ነዘምት እግል ትሕዜ ተ። እለ ሸንህት ወሕሸምታተ ለልትሓወለ ክም 'ብሪክስ' ወብዕዳት መንዝማት እዲን ህዩ፡ አህዳፍ ወሰትራቴጂታት ዋዴሕ እንዴ አፍገረዩ መስኡልዩተን እግል ልርፈዐ ወጅብ።

ሳፊ ወመፍሁም ሕበር ለብእቱ ስታቲብ ለጠይዐ ናይ ለባበት መትከምካም ህዩ፡ እግል እት ሕሸኩሎም ለህለ ከዋዋት ጨቂዋ ወአከይ-መካይድ እንዴ ከማተተ ረኦሱ ክም ለአደንን አኪድ ተ።

እትሊ መጃል እሊ ህዩ፡ ለእብ ሕርያናት ወዐምሚድ ብዘሕ እብ ሸፋገት ምን ዶላር እግል መትባለሕ ገብእ ለህለ ጸገም፡

እብ ትሉሉይ ካድም ሕበር እት ከዋወት ሕበር እንዴ ተዐደ፡ አከይ-መቅሬሕ እግል ልወርኬ ወእት ውፋቅ ለበ መርሐለት እዲን እግል ልንሰእ ለቀድር ተ።

ሕሩብ እተ ቀንጽ ዲቡመ፡ አሰክ ዓድል ወሐቅፋይ ቀራር ለነሰእ አብሳር እግል ልትከለቅ ቀድር። ምስሉመ፡ ሓብረት ወለትአደሚዕ ምስዳር ለትክልቁ በክትመ፡ ለኢጸግብ ጥሙሓቶም እግል ለአርወ ለሸቅዉ አሰለሕ ልግበእ ወከደም፡ ምስል ቃኑን እድንዩ ወሚሳቅ መንዝመት ቅራን ለኢዋፍቅ ሸንኩይ ፍርድ ወብዕድ መሻቀዩታት፡ እት አርትዖት ተረት ውቅል እግል ሊዴ ቀድር።

ሐምደኩም!
ጃሃንሰበርግ -24 ኦገስት 2023

ጋሽ-በርክ፡ ተዕቢኣት ዓፍየት ዲብ ሐሊብ እም ልትህዩብ

ዲብ ኩለን መኦሰሳት ዓፍየት አቅሊም ጋሽ-በርክ ምን ሄለል ኦገስት እንዴ አንበተ አሰክ እለ ዮም 30 ኦገስት ለልኦተላሌ፡ ፈዛዐት መጅተመዕ ዲብ ሐሊብ እም ለከሰስ ተዕቢኣት ገብእ ህለ።

እት ዮም 23 ኦገስት አፍርዐት ውሳኔት ወመሓብር ለሐድረው ዲብ እብ ደረጀት አቅሊም ዲብ ባረንቶ ለትዘከረት ሳምን ሐሊብ-እም፡ መስኡል ፈሬዕ ውሳኔት ዓፍየት አቅሊም ጋሽ-በርክ ዶክተር ሐየሎም ኪዳኔ፡ ሐሊብ እም እግል ኩሉ ጠለባት ዲብ ለኦተምም፡ ናይ ገርብ ወመክ ዐቦት እግል አከዶት በደለ ለኢትረክበ እሉ ነብረ ክምቱ፡ ወዲብ ኤርትራዩ ሐሊብ እም ለረክቦ አጀኒት ደረጃቶም 98% ባጸሐት ክም ህሉት ሐቀለ ሐበረ፡ ፍገራቱ እግል ቲዚድ መጅተመዕ ሐዞቱ እግል ለአግዴ ትፋኒ።

አጀኒት እብ ነቃስ መካት ሐመው ምን ገብእ ናይ ሐንገል ወገሮብ ዐቦቶም እንዴ ተሐደደት፡ እብ ለትፈናተ ሕማማት ክም ልትአዘው ወዲብ ዋልዴኖም ህዩ ጸር እንዴ ገኦው ሰልሐቶም ዲብ ደረጀት ድህር ክም ትትከፊ ለወድሐ ዶክተር ሐየሎም፡ ዓፍየት ወዐቦት አጀኒት እግል አድመኖት መሻረከት ኩሎም ሰብ-ሸርክ ወወካይል ሽዑብ እግል ትትወቀል አትፋቀደ።

ዲብ ደንጎበ ሓክም አቅሊም ጋሽ-በርክ ሰፊር መሕሙድ ዐሊ ሕሩይ፡ እት አቅሊም ጋሽ-በርክ ዲብ መጃል ዓፍየት ለትሰጀለ ተቀዩር፡ ፍገራት ውቁል ካድም መጅተማዕ ወጅህድ ትሩድ ናይ ሰብ ምህነት ዓፍየት ክምቱ እት ለሐብር፡ ዓፍየቱ ለትዐቀበት ጅነ እግል ዓበዮት ለጅህድ እብ ገበይ-ንዝምት እግል ለኦተላሌ ተሐሰበ።

ዲብ መናሰበት፡ ሐሊብ እም ለከሰስ ጅግረ ማዕሉማት ዓም ገብኦ። ዕዉታት እማት ህዩ፡ ምን ሰክርቴር ጀብህት ሸዐብየት እግል ዲሞቅራጥየት ወዐዳለት ሰፊር መሕሙድ ዐሊ ጃብራ ጀዋእዝ ትከበተዩ።

ኦፊሻል ንግድ

ክል አርቡዕ ለትጠ'በዕ ጀሪደት

መዳልያይ፡
- መሐመድ እድሪስ

ለይአውት ወአርተዖት
* ዘህረ ዐሊ
* ፋጥነ አድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

2^ይ ክፈለ

ውላድ ትብዕን ስነት አዳም ሐቆ ገብአው መብዝሐ ዶል እብ እብ ክልቀት ለትክፈለው ጠቢዐት መስኡልየት ረፍዖ። አውመ እብ ንቅሰ አርወሐቶም እት አፍያት ጀግሑ። ከእት መስተቅበል ሐያቶም እምበለ ገብአ ተአሲር ስኮብ ወፍዝዐት ሌጠ ገብኡ። ሰርም ሽንሂቶም እብ ትምኔት እምበል ጸገም እግል ለኣርእወ ለሐዘ። ገሌሆም ህዬ፡ ሕልሞም እብ ጸገሞም እግል ልብጽሕዎ ልትጸገሞ። ከእት አማን ለአተንከበ ወትጸገመ፡ ህታመ አማነ ተአበጽሑ። እግል ትምኔት ለትገሰ ህዬ ህታመ እት ትሰክብ ወትፈዚዕ ተምኔኒ ሌጣ ትብሉ።

አዋልድ ላኪን እም ወአብ ምን ሐቀን እግል ንትነጃ ክምሰለ ረቢ ቤለ ወእንሳንየት ለጠልቡ ወለተአምረነ እቡ እብ እግል ንትመቅረሐን ወጅብኢ። እሰልፍ እት ዕቢያተን ዛይደት እዴ እግል ነአውፊ እግለን ብእኩ። ካልእመ ሰዳይትነ እተን እግል ትትደለል ህሌት እግለ። ምንቱ ገብእ ምን ክልኤ ዕንቱ እግል ሐቲህን ለልሐፊ? ውላድ አንሱ ወተብዐቱ ሰሩ ዎሮት ቱ መሰለኒ። ቀይሕ ወጸሊም እት ሕብር ብሸረት ምን ኢገብእ፡ እግል ፈናታይ እት ጅንሰ እንዴ ገብአ እግል ልትርኤነ አለቡ።

አላህ! ፈጅር ጽብሕ ምድር እብ ተአጽብሕ ወማሲ ምድር ሰአየትከ ወፈርሐትኩ እት ትወስክ ትገይሰ እግል ትሕቀፈ እት ነሐርከ” እት ልብሎቶም ሸዑርም ወፍቲሆም ሸርሐ እግለ ለዐለው። አንሳይት ግርም ወስይሰት ህዬ ክሉ ልተምነየ ወፈትየ። እግል ትርአየ ትተምኔ። ወእግል ሕዋሌ ትሐዝዩ። ግርም ምን ለአቤ ረአየተ። እግል ትህደየ ትተምኔ ሔመ ተምሳል ወሬሕ በዐል ብሶት ገብእ በዐል መቅረሐ ወሸርከተ። ተቀም ምስል ተምሳል መላእክት ምን ገብእ ለሉብዩ።

ውላድ ተብዕን ስነት አዳም ሐቆ በጽሐው መብዝሐ ዶል እብ እብ ክልቀት ለትክፈለው ጠቢዐት መስኡሊት ረፍዖ። አውመ እብ ንቅሰ አርወሐቶም እት አፍያት ትጅግሑ። ከእት መስተቅበል ሐያቶም እምበለ ገበአ ተአሲር ስኮብ ወፍዝዐት ሌጠ ገብኡ። ሰርም ሽንሂቶም እብ ትምኔት እምበል ጸገም እግል ለርአወ ለሐዘ። ገሌሆም ህዬ፡ ሕልሞም እብ ጸገሞም እግል ልብጽሕዎ ልትጸገሞ። ክእት አማን ለአተንከበ ወትጸገመ፡ ህታመ አማነ ተአበጽሑ። እግል ትምኔት ለትገሰ ህዬ ህታመ እት ትሰክብ ወትፈዚዕ ትምኔኒ ሌጣ ትብሉ።

አዋልድ ላኪን እም ወአብ ምን ሐቀን እግል ንትነጃ ክምሰለ ረቢ ቤለ ወእንሳንየት ለጠሊቡ ወለተአምረነ እቡ እብ እግል ንትመቅረሐን ብእኩ። እሰልፍ እት ዕቢያተን ዛይደት እዴ እግል ነአውፊ እግለን ብእኩ። ካልእመ ሰዳይትነ እተን እግል ትትደለል ህሌት እግለ። ምን ቱ ገብእ ምን ክልኤ ዕንቱ እግል ሐቲህን ለልሐፊ!? ውላድ አንሱ

ኣሕ ደበ!

ወትብዐቱ ሰሩ ዎሮት ቱ መሰለኒ። ቀይሕ ወጸሊም እት ሕብር ብሸረት ምንዲ ኢገብእ እግል ፈናታይ እት ጅንሰ እንዴ ገብአ እግል ልትርኤነ አለቡ።

ላሊ ትክፈለት ክምሰለ እንቤለ። ክሉ ሰር ወሰራሪት ባትክ ዐለ እምበለ ምሽዊት ልቡ ስኮብ ካልኣቱ ለዐለት። እለ አክል እሊ አዜ እንዴ ኢትበጹሕ እግል ክል ፌትያይ ሰኔት እት ልቡ ለሰክበት እግሉ ወሰፈዝዐት ሲያመ። ህታመ በደል እብ ሻመ ተአተርህ ለዐለት አዜ እብ ተግባብ ደሚረ ክትት እንዴ ኢትነስእ አርድ ያፈራጅ ቤለ እተ። ሐያት ምን በዲረ ዶል ትተምኔ ወዶል ልተምነውከ እተ። ሲያማመ ዶል ለእቱ ተምነወ እንዴ ሓለፊቱ እብ ሐዲሰ ለትምኔት እተ ዶረት። ትምኔት ሽንሂት ተአበጹሕ ገብእ? ከንዶእ፡ መስተቅበል ለበልሰ እቱ ሰአልቱ። ለትርሃን ለኢቀድር ፋሪ ዕንታት እብ ትርሃን ደም ቀዬሕ መሰለ። ወለ ምን ሰሓቁ ኢትጸግብ ለትምሳል ሐሊብ መጠቅ አንያብ። ምስለ የሰረት መስል ገጹታይ ኩኑን ምን እክራረት ጽባብሐ ወመትማጣይ ሕሳል ሕሳባት ወሀማት፡ ወተቀም ወሀተምተም ናይ ክልዶሉ ዕለታይ ሴር ሐያቱ ገብኡ።


አቤ፡ እለ እት ምግብለ ለትፈትየን ክልኤ መሳኒተ ሳሬት ወመስዑደ እንዴ ትገሌት ክል ሞዕም ወለለኣትሰሕቅ ዘዖታት ተሐሬ ወተአፈግር ለዐለት ሲያመ፡ እትሊ አምዴላት እሊ እንዴ በጸሐት አርወሐተ እብ ከሌብ ጭንብወ ወበይን ከለቡተ። በደለ ሐቱ እግለ ሳሬት ትደኣል እብ ለዐለት፡ ወካልእ እግል መስዑደ ተአስሕቅ እቡ ለዐለት ገጹታየ ባርህ ወአፋታይ እብ ሻማቱ አልባብ ሸባብ ታርህ፡ ደብኒ መሻገት ግልብብቱ እት እንተ ክምሰለ ጽልመተ ላሊ ለሐራሰ ትክኣኑን እብ ሸቀላት እዲነ ወበቲክ ሰአየት ሐያት ገብእት እት እንተ ተአቀምተ።

ክሉ እብ ስኮብ እት ለሐንርር፡ ሲያመ እብ በይነ እት ምትክራረ ትትባለሰ ትትመዬ ዐለት መስኪነት። ሚ ገብእ ገብአት? እለ ትምኔት ናይ ክሉ ጋብኣት ለዐለት ሲያመ፡ አዜ አክል እሊ እት ሀማት ወሸቀላት ለትካርዮ፡ ወክእኒ በዩናየ ለተአተርህ ሚ ህሌት እግለ ገብእ? ዶል ዎሮት አስክለ እተ ዐስተር ለዐለ ከዋክብ ተአትቃምት። ዶል ሓር ህዬ፡ እግለ ሸብሃተ እት ተአትናውር ትርእዩ። ካልእ ዶል ክምሰል በዐል ባድያይት አስክለ ጀህትላ በሐር እት ተአትቃውር ተአቀምት። አምዋጅ ለመስል ክምሰል አድብር አድሕድ እት ዳርክ አውሃም ተዋልል ሐያት ሕቡሉክ ህቱ እት ሐንገለ ልትመወጅ እግለ ክምሰል ህላመ እምበል ሸክ ተአምረ።

ድሸ---ድሸ ለልብል ክርንመ ስመዕ ክልኤ እዝን ገበአ እግለ ዐለዩ። እግለ እት ልበ ልትሰወር እግለ ለዐለ አምዋጅ ወስመዕ ክልኤ እዝን

ለመሰለያሁ፡ እግል ሀለም ኢለኣብለ እት አርወሐተ እት ትሐፍዝ ምኑ ትትርኤከ ዐለት። ለአማን ላኪን እብ ከያለ ተአትጋይሱ ለዐለት ቱ እንዴ ኢኮን፡ አምዋጅ በሐር ይመ ደዐለ ወሐረሰ። እዝናመ ተሐሴ እግለ ዐለት። ለእግል ሲያመ ሻቅል ወረብሸ ለዐለ ጋር ህዬ ናይ ከርስ ሸዑር፡ አምዋጅ ሸቀላት ወሀማት በዐል እዲነ ቱ። ናይ ከርስነ ሸዑር እት ገሌ ዶል እት ዋቅዕ ልትበደል መስለነ ወህቱመ ኢትመክረህ ምንዲ ኢገብእ አክል አሕድ ልትቀየር ወልትርኤ።

አቤ!! ሀማት እብ መስተቅበል ወሸቀላት ፍጅር እት ሄራር ሐያት ዐእለት። ህዳይ እግል አንሳይት



ለእት ሐያት ሸርከት ለለኣቱ ሐቱ መሐጠት መስተቅበል ቱ። ህዳይ ክምሰለ እምከ ወአቡክ ህለዮትከ ለአመርደው እቡ፡ እንታመ ህለዮት ሰሚትከ ለተአመርዴ እቡ መሐጠት መስኡሊየት ሄራር ፈጅር ቱ።

አቤ፡ መሐጠት ለሰልፋይት ትንብረት ለትክሬ እተ እግል መስኡሊየት ዓእለት። ወጌማም ነፍሰ እግል መዋጅህት መስተቅበል ባርህ።

ሲያመ እትሊ ለእግሉ ደገምነ ተዋልል ሐያት ጠይፍ ወትዖፊ ዐለት። እት ተዐርግ ወትትከሬ ሰላመት መስተቅበል ወጣፍሐት መናበረት እብ ከያለ ትሓዘዩ ዐለት፡ ፡ እብ ከያል ሌጠ እንዴ ኢትገባ እብ ዋቅዕመ ለሐቂቀት ህተ ኖሰ ዐለት። እመ እብ ስኮብ ምን ሰምዋ ማነ እት ሰምዋ ገለበ ትትባለሰ ተ ለዐለት። ረቢ ብዘሕ ካልቅ ቱ እተ ክልቁ። ዎሮት ረሐመት ከፍሉ ክምስል ኢውላዱ ትርህ፡ ልትሻቀል ወለሀምም። ገሌመ ርሕም ሌጠ ለሀይቡ ከሐቆ መትወላድ ውላዱ ኢደለዩ፡ ወኢልሸዕር እቡ። እም ሲያማመ ደሚር ልብ ወለት ርሕመ

ህተ ምንዲ ደሊዩ ወትርህ እቡ ህታመ ቀባህ ወትደለ መስኪነት። ለመካልቅነ አሕድ መስል እንዴ ኢኮን፡ ለአፍካርነ ለቱ በበይኑ ቱ፡ ረቢ ደሌ!?

አቡህ ለቱ ትርሃነ ኢደለ ወምሽዊት ኩብደ ኢበርበረ። እሊ እት ከያል ሲያመ ልትባለሰ ለዐሉ፡ አምዋጅ ከያላት ወሕሳባት እምበሌህ ኖሰ እግል ክሉ ጋናሁ ቱ ለዐለ። ህቱ እግል ኖሱ እት ምግብ በሐር አምዋጅ በሐር ዶልተ ክምን ጅሀት ሐቱ ህቱ ሻውጡ ወጸፍዑ ዐለ። እግል ምዕሸት ድራር ዓእለቱ ክል ዶልተ ከእት ጨባበ ወልገተ ሐቱ ልትመዬ ወልውዕ ለዐለ ወልዳዩ። በሐር ህዬ እግሉ ዴማት መናበረት ሐያቱ ሰበት ገብኣት፡ ህቱ እምበልህ ኢኑብር ወህታመ ሐቆሁ ለኢትነብር ትመስል እቱ ዐለት። ክል ዎሮት ናዩ

ክሰእ ለዐለ ሴሩ ቱ ልትሻቀል ለዐለ። አቤ!! ሲያመ ትግባብ ልበ ስኮብ ከልኣተ ዐለት። አቡሃመ መናበረት እዲነ እት ልገት በሐር አትርሀቱ ዐለት። እመ ለሐቱ ኢክሰሰ ምን ስምጠ እብ ካልእ ስምጠ ትትባለሰ ትመይት። (ክል ዎሮተ ከልቡ ፋሩ) ክምሰለ ትትበህልብ ተ ለዐለት፡ ሐለተ ወሓለት ዓእለተ።

እግል ሲያመ ለአትርህ ለዐለ ጋር እብ መስተቅበል ውላዱ ለለሐሰብ ኣብ፡ ወደሚር ወላደ ለትፈትሽ እም ራክበት ምንዲ ትገብእ፡ አላሁ ዓልም ወኢትሐብዐ ምኖም። ህታመ እበነ ወኢትርህት። ላኪን እሎም ክልኣት ወልዴን እሎም ክል ምኖም ከናዩ ፍንቲት ጠቢዐት ዐለት እግለ። እብ ፍንቱይ እመ እግል ሲያመ ለእት ድሚር ወለተ ሐብዕ ለዐለ ሸዑር ህተ ወገብኣት ሐኪሙ ወቃዲሁ። አንሳይት እግል አንሳይት ዝያደ ለለኣትቃርብ ወለ ለአትራክብ እብ ክልቀት ወጠብዐት ሰበት ተን።

አዜመ ልእት ልብ ሲያመ ላብድ ለዐለ መሐምርጋይ ሸዑር ጋሻይ ኢኮን ምን እት ሸፍርም ለሐድር ዝያድ አርብዐ ሓል እድውር ሰበት ዐለ። ቶቤኮ ምን ዋልዴን ኢኮን ምን ግዋሬመ ወኢትሐብዕ እዩሰ ምንዲ ለዐሌ እቱ ለሽብሃተ።

አይወ!! ሲያመ እት ክል እስትንፋሰተ ወብላሰተ እት ክል ስምጦ፡ ቅንጸተ ወግሳየተ ለትብለ ሐቱ ዘዐት ዐለት እግለ። ህተ ህዬ ዘዐት አለም ወመጽጠት ተ። ዘዐት ለእት ልበ ቅሮሕ እግለ ለዐለ ምድግ ሐሩቀት ወዲደት ለትሸርሕ ተ። ምስጢርለ እት ልበ ድጉል እግለ ለዐለ ብካይ በይን ወመጽጠት ብሕቶት ወተሪፍ ምን ሚራድ ወትምኔት ተ። ፍገራት ሀመሎት ዋልዴነ ምን መስተቅበል ፈጅር፡ ለእት ምቀደም ክልኤ ዕንተ እብ ጽልመት እት ልትበደል ልትረአየ ለዐለ መስተቅበል ክል ሐያት ተ ቱ።

እለ ዘዐት እለ እግለ ረቢ ፍህም ሀበዩ ወእንትብ ወሰከዩ ምኑ ሕብዕት ይዐለት። (ኣሕ ደበ!!!) ለትብል ዘዐት ሲያመ ምን ትደጋግመ ግድም እብ ውሑዱ ሐምሰ ሓል እድውርት ዐለት። ምን እት እለ ዘዐት እለ ትለጅእ ህዬ ናይ በትክ ሰአየት ሸዑር እብ መስተቅበል ፈጅር ኢሐድዣ። ክል ዎሮት ክእትላ እዲነ ምነ እብ ረቢ ለኮተብ እግልነ በክት ወአጀል፡ እብ አሰባብ እት ሽብሃትነ ለህለው አንፋር ዝያደት ልትሰበዞ እግልነ እንረክቦም። እሊ ህዬ ውላድክ ሕሳሉ እት እዴ ማንካ ቱ። እግል ትረቢዩ ወትዐለሙ። መስተቅበሉ ህዬ እብ እግለ ትሓዜ ራትዐት ገበይ እግል ትወጅሁ። እብ ፍንቱይ እለ ለእት ሕቅፈ ክልኤ ዕነ እንፈትሕ ወሐሬ እብ ንትሰሚ ወንትመቅረሕ ወለት አንሳይት፡ እሰልፍ አማነት አብሃተ ወሐሬ አማነት ብእሰ። አማነት ህዬ ክብድት ተ ወክብድት ምን ጀፍር ኢትትረፍዕ ወኢትትከሬ። እግል ሰኒ ንጽበጠ ወህታመ ኣካነተ እግል ትብጸሕ ወጅቤ።

ልተላሌ....

መቃብለት ወዘር ሐርስ፡ አሰይድ አረፋይኔ በርሄ

• እት ተፋሲል መትቀዳም መጽላት ሐርስ እግል ንትዐዲ። እለ ውዛረት ዐቂብ ወአበርነት አርዛቅ ጠቢዐት ምነ ሰልፋይ አውለውያታ



ሕፍዘት ማይ ወትርበት

ቱ። ከእትሊ መጽል ለትሰጀለ ዐዛዩ ዐውቱታት ሚ መሰል?

- ርዝቅ ጠቢዐት አሳሰ ሐርስ ሰበት ቱ። ሕፍዘት ማይ ወትርበት ክም ለመድ እግል ልሰበቅ፡ ጅህድ ትሩድ ገብኡ፡ ወልሰዕ ለአተላላፊ ሀላ። አርድነ እብ ለትፈናተ አሰባብ ሽርሹር ሰበት ጸንሐ፡ ለተሐድያት ብዙሕ ቱ ለዐለ። ምናተ፡ እትሊ መጽል እሊ፡ ርኡይ መትቀዳም መጽኡ። ሽቅየት ከዛናት ማይ፡ አሮት ምነ እብ አምኡት ዕጹፋት ለወሰከ ወራታት ቱ። እት ሰነት 1991፡ ቅያሰ 138 ከዛናት ሌጠ ለዐለ፡ እትላ መደት ጎነ ዝያድ 780 ከዛነ ባጼሕ ሀላ። ተጸሲፋ ለሰነ ህይ፡ እት ሐርስ ፍሬታት ወሐምሌ እብ ዋድሐት ትረኣ። ገማል ሐምሌ እብ ሰሰ ዕጹፍ ዲብ ትዘይድ፡ እተይ ፍሬታት ህይ፡ እብ 71 ዕጹፍ ዐቦት አርኡ። በዲር ከዛናት ብዙሕ ዲብ እንሸቄ ለናይ ዐመሮት ለመድ ምን ገብእ ወፈዛዐት ሐዋን ቱ ለዐለ። እትላ መደት ጎነ ክል ድጌ ከዛነ እግል ልትሸቄ እሊ ጠልብ ሀላ። ሰበቡ ህይ፡ ዐማር ጀራዲን እት ባካት ከዛነ አክል አይ መክሰባይት ክም ተ ክል ሐረስታይ ኣምረ ለሀለ ጋሪት ተ።

• ሓይሰ ወዘር፡ እት ዐማር ዘርእ ህይ፡ ከአፎ ጋይላም ህሌነ?

- ዐማር አዝረኣት ብዙሕ ሓጃት ተምትመ። ለአግደ ምህመት፡ ማይ ወምድር ተ። ምድር ለእለ ሀብካሁ ቱ ለልሀይበኩ። ደርቡ ወጀዶት ዘርእ ሐሩይ ቱ። ትሉሉይ ወንዝም ዳፍያት ባልዲን ወሕማማትመ መዋመጦሩ ልትረተብ። ተየልል ዝላም ዐድነ ደማን ለቡ ኢኮን። እብሊ ቱ ህይ፡ ክል ሐረስታይ ለቀዋረት ቅዋረት እግል ልሕሐዝ



ሐ ሐሊብ

እት ገርሀቱ ልግበእ ወሐሰያት ወራታት ሕፍዘት ማይ ወትርበት ሰነ እግል ሊዲ ለልትሐበሩ። እትሊ መጽል ሽቅል ሰነ ሽቁይ

ሀላ። ሐረስታይ እብ ሲናዶ ሰብ መቅደረት፡ ማይ ወትርበት አከበ ምን ገብእ፡ ውዛረት ሐርስ እብ ገበይ ብሐሰ ሐርሱ፡ ምስል ክል ድዋር ለናሰብ አዝረኣት ሕሩይ እት አንሸኣት ወነሽር ትሸቄ ጸንሐት። እሊ ኩሉ ምስል ናይ ሕበር ዳፍያት ባልዲን እንዴ ትወሰኩ፡ እት እተይ አዝረኣት ወበርኩቱ ርኢት ዐቦት መጽኡት። እብ ፍንቱይ እትላ መደት ጎነ እት ሒን ከረም፡ ዐማር ዘርእ እብ ዓመት ገማል ሽንራይ ህይ እብ ፍንቱይ ለወዱ ሐረስቶት ዋቅያም ሰነ በዝሐ ህለው። እብ ወግም ህይ፡ ለዲብ ሐርሶም ሰዳይት መሰኖ ወዱ፡ ለልኣትሐዜ መራዐያት ለልኣታዋ ወገጽ-ሕድ ለዘርኦ ምን 60-90 ኩንታል ሽንራይ ምን ክል ሄክታር ረክቦ እት ህለው፡ ለዲብ ደገጊት ዋጅቦት ሕፍዘት ማይ ወትርበት እት ወዱ ምስል እብ መጽሚዕ (Cluster) ለዘርኦ ህይ ምን 30-40 ኩንታል ምን ሄክታር ረክቦ። ለእብ ዋጅብ ሕፍዘት ማይ ወትርበት ለወዱ ብዕዳም ሐረስቶት ህይ፡ ምን 20-25 ኩንታል ምን ሄክታር እግል ለኣቱ ልትከደም ሀላ። እሊ ክም መሰል ናይ ሽንራይ እት ገብእ፡ እተ ብዕድ አዝረኣትመ እሊ መሰል መትቀዳም ልትረኡ ሀላ። እብ ዕሙማይ ጌማም እት በርከት እተይ አዝረኣት ዲብ መብዝሐ አራዲ ዐድነ፡ እብ ክልኣት ዕጹፍ ክም ዜደ እንቀይም።

• እት ርዝቅ ንዋይ ለትረከበ ተጠውር ሚ መሰል? እብ ተዋብ ንህብ እንዴ አንበትክ?

- ክል-ዶል ፈርያት ሐርስ እብ አትጃጋር ምን ትርእዩ ቱ ታመት ሱረት ለልሀይብ። እትሊ ክልኡ

ሓጀት እግል ተኣትጃግር ትቀድር። ለዎሮ እግል ተኣትመጣውር ለሰዴከ ሸይ ስታትካ ቱ። ለብዕድመ ምስሉ ለልሄርር እት ገብእ፡ እት አርደት ለትረከበ ተቅዩር ቱ። እት ርዝቅ ንዋይ፡ እብ ተዋብ ንህብ ወመዐር እግል ነኣንብት። እት መደት ሕርየት፡ መዐር ለበሌዕ ክፋል መጅተመዕነ ሰነ ሐድ ዐለ። እምበለ እብ ናይ ለመድ ቀፎታት ህይ፡ እብ ዘበናይ አግቡይ ለልትደየር ተዋብ ንህብ ይዐለ። እትሊ ወክድ ጎነ ዲብ ተዋብ ንህብ ለልትከሰእ ኦዳም ሰነ ሰበት በዝሐ፡ እተይ መዐር እት ክል አካን ወእት ለገኦ ወቅት እግል ትርኩብ ትቀድር። ምናተ ምን እሊ ለሀለዩ ወለዐል እንዴ አፍሬኩ ዐውል መዐር እተ ክብትት ደረጃቱ እግል ልትከሬ፡ እት ረኣሰለ ዘበናይ ቀፎ፡ እብ ቀሊል ወእምበል ኮሳይር ለልትሸቄ ‘ቀፎ ሰሙይ’ ለልትበሀል እግል ልትለመድ፡ ለጅህድ ለአተላላፊ ሀላ። ላኪን እተይ ተዋብ ንህብ መዐር ሌጠ ሰበት ኢኮን፡ እተ ብዕድ ፈርያት ንህብ ክም ሽሚዕ፡ ደባካን፡ ወብዕድ ጅህድ ትሩድ ለኣትሐዜነ ሀላ።



ዘርእ ሕሩይ

• እት ሐሊብ ወፍገሪቱ ማጽኦ ለሀለ ተጠውር ህይ ከአፎ ሀላ?

- እሊ መጽል፡ ለምን ሰልፋ እስትሰማር ብዙሕ ለገብኦ እቱ ቱ። ዲብ ሕዱድ መሰነዕ ሐርስ ሌጠ ክሉብ ለዐለ መሸተቃት (ፍገሪት ሐሊብ)፡ ዮመቱ ሰነ ብዝሓም ዲብ ፍገሪት ሐሊብ ለልትከሰእ ሐረስቶት አዝሀረው። ክም ፍገሪት እሊ ህይ፡ እተ ትትሐዜ ደረጃት ኢልብጸሕመ ድኢኮን፡ ተቅዩር ሰነ ማጽኦ ሀላ። አሰክ እሊ እት ዐውል ሐሊብ ጨቅዋ ከልቅ ለሀለ ጋር፡ ሕዳን ሙነት ንዋይ ቱ። እሊ ምስል ቅድየት ምድር ወጣቀት እንዴ ትከምከመ እት ፍዕል ለልውዕል ሰበት ገብእ፡ እብ ሽቡህ-ሽቡህ ሰነ ልሄርር ምንመ ሀላ፡ እትሊ መጽል ሽቅል ብዙሕ ልታኬነ ሀላ። ዎሮት ምነ እት ነብረ ንዋይ ለሀለ እግልነ ጨቅዋ እግል ነኣትቃልል ለነሰለናሁ ከዋዋት፡ ሰጅያት ጨበል ለኢሊሐዜ ሐርስ (Hydroponic Fodder Farming) ቱ።

ዲብ ሰንያት ፈርያት ሐሊብ መጽኡነ ምን ገብእ፡ እትሊ መጽል



መትቀዳም ሰነ አርኡኩ። ምን መደት ሕርየት አሰክመ ቀደም 10 ሰነት ለገብእ ወቅት፡ እምበለ ምን ሐሊብ ሐሪጭ ልትዳሌ ከምን የመን መጽኦ ለዐለ ውጩር፡ እብ ዋጅብ ለልትሰነዕ ዘባዲ (ርግኦ) ይዐለ እግልነ። እትላ መደት ጎነ ላኪን፡ 18 ርግኦ ለሰንዐ መኣሰሳት ህለየ እግልነ። እምበል እሊመ ምን በዲር ለጸንሐየ ወምን ገጽ ሐር ለትሸቀየ ጅብን ውብዕድ ፍገሪት ሐሊብ ለሰነዐ መኣሰሳት ብርኩታት ህለየ።

• እት ሰገ ህይ ከአፎ ህሌነ?

- እት ዐድነ እግል ሰገ ለገብኦ ንዋይ ብዙሕ ሰበት ሀላ፡ ለልኣሰፍ ጋር አለቡ። ሕኩመትመ ዓፍየት

ምን 15-20 እግል ሊለደ ለቀድረ አጅናሰ ከናዚር ዲቦን ልትበደለ ህለየ። እት ረኣሰመ አፍሩሰ ዐድነ እብ ለትፈናተ አሰባብ አሰሉ እንዴ በደ እት ቀንጭብ ሰበት መጽኡ፡ እሊ አሰል አፍሩሰ እግል ልወጅብ፡ ሕሩይ አጅናሰ አፍሩሰ ምን ድወል ካርጅ እት ነኣመጽኡ፡ እብ ዘበናይ አግቡይ ኣዳቃል እነብታም ህሌነ።

• እት ወጀዶት ደወርህ ወቢጭ ለትረኣ ተቅዩር ሚ መሰል?

- እትላ ቀድየት፡ ምን ምጽኡት ሕርየት እንዴ አንበትነ እግል ኣትፋራይ ቤት ምን ገብእ ወተጃረት ለገብእ ደወርህ ወሰወሲት ሰበት

ኣቱኩ ምነ ዐቦት ርኢት ለትረከበት እቱ መጽል ቱ። ደወርህ እት ብሩር ሌጠ እብ ዐደድ ሐድ ልተወብ ለዐለ፡ እትላ መደት ጎነ፡ ኣምኡት ሐረስቶት ትጃር እንዴ ኣብሀዘው፡ እተይ ቤጭ እብ ዕጹፋት ቱ ለወሰኩ። መዋመጦሩ ላኪን፡ ብዙሕ ልሙድ ለይዐለ ጠለባት ቤጭ እብ ዓይላት ምን ገብእ ወኬክ ለሸቄ አፍራም ሰነ ሰበት ዜደ፡ እሊ እግል ተኣታምም ውዛረት ሐርስ ደወርህ ተዋብ ቤት እት ሐረስቶት እብ ዐውል ረከሰ እት ትወዜዕ ጅህድ ትሩድ ትወዴ ህሌት። እብ ተውሳክ፡ እብ ሐድ ዐደድ ደወርህ እት ነሐፊመ ነኣዳቅል ህሌነ። እብላ መናሰበት እግል ኢበለ ለሐዜ ላኪን፡ ሐረስቶት ሕኔት እተ እብ ሕኩመት ለመጽኦ ሰወሲት ሌጠ ለኣተንክቦ፡ ኖሶም ደወርህ ሕሩይ እት ለኣትሐቅፎ እግል ለኣትባዝሐ ወጅብ። ኣክረቱ ላኪን፡ ምን ካርጅ እት ነኣሰተውርድ ሌጠ እንዴ ዶእንገብእ፡ ኖሰነ እት ነኣትዳቅል ናይ ኖሰነ ደወርህ ሕሩይ እግል አፍረየት ቱ ኣማም ለህሌነ።



ሰውረት ኤረትሮፕ እትለ ናይ ሰልፍ መትኦምባት ግድለ ሰለሕ ዲብ 60ታት ፍንጌ ምናድሊን ሰውረት ወዲሽ አባይ ገብእ ለዐለ መዓርክ ምን ምናድል ሀይለስላሴ ወልዱ ለከትብዩ ክታብ ዐዋቲ ለትነሰኣቲ። ከእግል ሉም 6ይ ክፈል



መዐረከት አዳል - 26 ሰብተምበር 1961

አክል-ሕድ ቀደምለ እት ጀሪደት ለፈግረ ሽፊሕ ዲብለ ዐለት ምዕል 25 ሰብተምበር 1961፡ ከረ ሓምድ ዐዋቲ እት አታሃይ ሞጎራዬብ ዐለው። እቲ ዲብ ህለው ህዩ፡ ሐቲ እብ ካፒቴን ያሲን በሽር ለትተመረሕ ቅወት ቅታል (ስትራይኪንግ ፎርስ)፡ እት ቀንብያትለ ዐድ ትሊት ክም በጽሐ ትደለ ወሐር፡ ከረ ሓምድ ሽዑብ ሐሩዱ እሎም ለዐለ አግል እንዴ ሐድገው፡ እንጌረ ሌጠ እንዴ በልዐው፡ አስክለ እግል ልሕብም ወለአዳፍም ለቀድር ምድር ሰከው። ሐቆ ሄራር ሳዐት ህዩ፡ እት ሕግስ ደብር አዳል እት ህሌት ዔለ ዋልያን (ባምበት) ዓረፈው። እት ምሴተ ናታዬ ለልትባህል ዐድ አተው። ፈጅራተ እት ነታዬ እት ወደግ ዎሮ ሕብዓም እንዴ ትመዩው፡ 26 ሰብተምበር አስቡሕ አስክ ክርበ ኮርቶ ጌሰው። እቲ ዶል በጽሐው ህዩ ለቲለል ትብደሉ። ለዶል ዋርድዮት ለዐለ ዐዋቲ መሐመድ ፋይድ ኢትህመለ እሎም እንድኢኮን፡ ለምን ዐድ ክሰብ ለትባህል ዴሽ አባይ አስቡሕ ባካት ሳዐት 9፡00 ሸእጎም ዐለ። ዐዋቲ መሐመድ ፋይድ፡ እግል እሎም ፍንጡራም ወሻፍጋም እት እንቶም መጽእምም ለዐለው ዐሳክር፡ እንዴ ኢቀሩቡ ምን ረዩን ሰበት ፈረገዮም፡ እት ልሰዔ እት መልህያሙ እንዴ ጌሴ “ሕኩመት መጽእነ ህሌት፡ ፖሊስ እት ልትሳሰዐው ለኣቲ ዲብኝ ህለው” እት ልብል ሐበረ።

ሓምድ እብ ሸፋግ፡ ክል ነፈር እት ረአሰለ ምን ሕቅፉ ለኢፈንትዩ መንዱቁ፡ ዐፍሹ እንዴ ከምከመ፡ ሰይፋ ወዋራሁ እንዴ ሀረሱ ህቲ አስክለ መርሐም በ እግል ልትለዉ አዋምር ሓለፈ እቶም። ድፊዕ እት ጸብጦ ዲቡ አካናት ቶም አጌሰው። በገስ አስክ እንክር ምፍጋር ጸሓይ አዳል።

ሕግስ አዳል እንዴ ነስአው ስጋደት እበ እት ፈግሮ፡ ለክልኣት ዐዶ ሕድ ረአው። “ሓምድ ብጠር፡ ተሐዶስ ዲብክ ብጠር፡” እት ልብሎ ደርብኝ ገብኦ እት ህለው እንሰምም ዐልጎ” ልብል ቀደም ሳልስ ምዕል ሐብሮም ለዐለ ከራር አድም ሐዘት። ገዲም ምናድል ከራር ምስል ሓምድ እት መደት እስትዕማር እንግሊዝ እት ሸፍትነት

ቶም ለልትአመሮ። ሓምድ እት ንዳል ክም ፈግረ ህዩ፡ “ከራርመ ምን እግሩ ኢተርፈ፡ እግል ልትለዩ ቲ” እንዴ ትበህለ ፖሊስ ለሐዘዉ ሰበት ዐለው ቲ እንዴ ሰከ ለዐረ። ህቲ ቲ ህዩ መዓል መዕረከት አዳል ለዳገመ እግልነ። ሓምድ ምን ደርቦም ገብእ ለዐለ ዴሽ አባይ ኢትአሰፈ ወኢቀብዩ። ምናተ፡ ምን እብ ዕንታትክ እት ትርእዩ ደርብክ እት ገብእ ለልሃጅመክ ብዙሕ አባይ፡ ለእንዴ ኢትርእዩ ለትሃጅመክ ሐሊት ንኢሽ ተ ለኣኬት ምድረት ለትአጀሬ ዲብክ ለልብል ፍክር ሰበት ዐለ እሉ፡ ብዕድ ለኢትደሌት ቅወት እት አስክ አዳል ለትአፈግር ገበይ እንዴ ጸብጦ እት ርሽመተ ደብር እንዴ ፈግረ እብ ሰምዋ እግል ኢልዝበም፡ አልቢኒ ጸውራም ለዐለው ከራር አድም ወሽንግራይ ዐማር ለእኩ።

እሎም ክምሰለ ለትበህለዉ ቀደምም እንዴ ሐልፈው፡ እት ትትሐዜ አካን እንዴ በጽሐው፡ እት ብለቅ ዐባዩ ሰዋትር እግል ልጽበጦ፡ ምን ትሊት ለትባህል ዴሽ ቅታል (ፊልድ-ፎርስ)፡ እበ ሓምድ አትሸከከዩ አካነት እግል ልሸበዩ ሐቲ ገብኣት። ከረ ሸንግራይ እት ዐለው ዲበ አካን አትሀበሰው። ለሆም ህዩ አስክ ርሽመት አዳል ገጸም አተላለው። ሸንግራይ ዐማር “ንልከፍ፡ ንልከፍ” እንዴ ቤለ ተንሸኝ ከጠልገት ሐቲ ለክፈ። ከብሱለት እንዴ አፍገረ ጠልገት ብዕደት እግል ለዐምር ወቅት ወኢነስኦ ምኑ። አካነቲ እግል ኢትትአመር ላኪን ኢደግመ። እብለ ገብኣት ለትለከፈት ጠልገት ዎሮት ዐስከሪ አባይ ሰበት ጀርሐት፡ እብ ተእኪደት እንዴ




ወድቀ “ኡይ” እት ልብል መጽእቲ ትትሰመዕ ዐለት። ገሌ ምን ፖሊስ እግል ወድቀ ነፈሮም ትጀመረው እቲ፡ ወእንዴ ሀረሰዉ እት ወደግ ዎሮ ትከረው እቡ ከትሐበዐው። ለተርፈው ብዕዳም እት ብሮርሐት ኦሮትክ እብ ጀህቲ ደርበሽ-በሽ እት ልብሎ ልትረአው ዐለው። እግል እሎም ለአተቃብል ለዐለ ከራር አድም እብ ጀህቲ፡ ልሰዕ እት ሓለት ረብሸት እት ህለው ወደዋራቶን

እንዴ ኢራቅቡ፡ ጠልገት ሐቲ ፊሬቀ ዲቦም። ትዘበጠ ከንዶእ መኢትዘበጠ፡ ዎሮት መትፈዐጂ ብሬን ክብልል እት ምድር ወደ። ሐቆ እለ ዋለግ እብ እሰዉ እንክር ዘብጦም ክም ህለ ለፈሀመው ዴሽ አባይ፡ ስልሐም አስክለ ክልኣት ዐሳክር ዐዋቲ ለዐለው እቡ እንክር እንዴ ወጀሀው፡ ለክፍ ቅዙር ናይ አብዐሽረ እቡ ለምድር ሐርሰው።

ሸንግራይ ወክራር ዘብዋ ክም ትደቀብ ዲቦም፡ ምን ዐለው ዲቡ ብለቅ ገጸም ተሐት እንዴ ትሸልሀተው፡ እት አሰዕር ሰበት አተው እግል ልንጀው ቀድረው። አካን እግል ልቀይር ላዘም ሰበት ዐለ ህዩ፡ እት ልትጫፈር እበ ስጋደት ለዐል ዶል አተንክበው፡ ስድፈት እግል ሓምድ ረክበው። ምስል ሓምድ መናዱቅ ለይዐለ እሎም ኮለያት ሌጠ ዐለው።

ከረ ሸንግራይ እብ ሰበትለ እብ ጀህቶም ለዐለት ሐረከት አባይ እግል ሓምድ አሰኣለው። “እምበል ሸክ ዎሮ ላቲ እውዱቃም ምናም ህሊን” ቤለው። እግል ሀበዉተ ሐብሬ ወኖሱ ታብዑ ለጸንሐ ተዋልል እንዴ አትመጣወረ፡ “አብሸርኩም፡ እግል ንትዐወት ዲቦም ቲ” እንዴ ቤሉ፡ እብ ሐዲስ አስክለ ቅብላቶም ለዐለት አኬነት ብዕደት እንዴ ተዐደው፡ ለስጋደት እግል ልድብእዉ አመረዮም። ሀደፉ ላኪን ምድረት እንዴ ኢትገብእ እቶም እት ዳፍዖ ምን ባካት እግል ልትጃቀቅ ቲ ለዐለ።

ሸንግራይ እግል ከራር እት መሬሕ፡ ክልኢቶም ደርብ ሕድ ሰዐው። እት እገሮም ዋለግ ተናናት እት ቤርቅ እቶም፡ እት ትበህለዉ ስጋደት ተዐደው። ላኪን፡ ከራር እት እንዴ ትገፍተኦ መልህያሙ እት ልታኬ፡ ሸንግራይ እብ መረዊት እንዴ ትከረ ገበይ መዓል እንዴ ጌሴ እት ቅብለት ምውዳቅ ጸሓይ



ለዐለ ሀውት አትከበተዮም። ጽሙእ ለዐለ ምን ማዩ ክም ረው፡ ርፈዕ እግል አቅለሎት እግል ታርፍ ለዐለ ማይ ገሌ እንዴ ከዐው ምኑ፡ እብ ሸፋግ ትብገሰው። ምስል እበን ወዕጪይ እት ልትማሰሎ አስክ እንክር ምውዳቅ ጸሓይ ገጸም ጌሰው። ሐቲ ገበይ ዐባይ እንዴ ቀርጨው ልትዐደው ዲብ ህለው ሰበት ትረአው ላኪን፡ ዋለግ ትከዐ ዲቦም። ምናተ ዎሮትመ እንዴ ኢልትዘበዋ ምናም አካን ምሕባዕ እት አተው ወእብ ሰላሞም ተዐደው።

ዐዋቲ መሐመድ ፋይድ ለዐለ ዲበ ብዕደት መጅመባት ሓምድ፡ ነፍሶም እግል ለአንግፎ እት ልትሓረዩ አስክ እንክር ቅብለት ደብር አዳል ጌሰው። እሎ'መ እንዴ ኢደሉ እት አባይ ሰበት አተው፡ ለክፍ በዝሐ እቶም። ሰጸዩት ሰበት ኢበትካው ቲ ድኢኮን፡ አባይ “ሰልሞ” እት ልብል፡ እብ እዴሁ እግል ልጽበጦም ልሰዔ ዲቦም ዐለ። ሓምድ ህዩ ምስሎም ለህለ ሰበት መስለ እቶም፡ “ሓምድ ተሐይሰክ ብጠር” እት ልቡሎም ቲ እብ እግር ፈረሶም ለትመለሸው ምናም።

ዝያደት መትከማካም እግል ዝያደት ከርዶን ቅሎዕ ክም ቲ ለፈሀመ ሓምድ፡ እት ክርበ ዎሮ እንዴ ፈግረ ለባካት እቲ እት ለአትቃምት እግል ልፈክር እንበተ። ለለክፍ ኢሀድኦ፡ እብ ቦታካት ሰበት ትብገስ ላኪን፡ እትለ ሰልፋይት መዳፍዐቲ አዳሙ እግል ኢልክሰር፡ መልህያሙ እብ ከኣፎ እት መርሐም አርወሐቶም ክም ለአድሕን ሌጠ ሐስበ። ለዶል ለሀ ምድር ክም ዕን እብረት ጨባብ እት እንተ፡ ትምባት ትረኡቲ። ምን ክትረት ሕሳባት ቲ ገብእ፡ ከዶስ (ፒፖ) እንዴ አቅረሐ ፍሪሪቅ አንበተ። ሰጃረቲ ምን ክም ትከፍፈ፡ ለእለ ሐስበ እንዴ ሐስበ ምን ዕንክለት እንዴ ትከረ፡ እግል ለሕሰት ወትዐውተነ ለቤለዩ ከዋውት ነስኦ። እግል በዝሐው ምን ምስሉ ለዐለው፡ ሕሊል መረዊት ድገለቦም እንዴ አትለው፡ እት ለኣሴር ደብር ዎሮ እንዴ ፈግረው፡ እቡ ገጸም ኬን እግል ልትከረው አማውር ሓለፈ እቶም። ምናተ ለእብ ጀህት እንክርቶ ለዐለት መጅመባት ፖሊስመ እት ሐርብ ሰበት አቲት፡ ድማን ወድገለብ እት ክልኤ ትገመዐው ወምግዳዞም ሌጠ አተላለው።

እለ ኩሉ እት ገብእ፡ እቡ ስታ ሐጫር ወደይፍ ራፊዕ ለዐለ

ዑስማን ቤረግ እት ምዕል ለሀ ሕሙም ሰበት ዐለ፡ ምን ርሐ እት ዳፊዕ እግል ልፍገር ሐሊት ሰኣነ። በይኑ ምን ዐለ ዲበ አካነት እንዴ ኢፈግር፡ እት ዎሮት ሰዐር ጋምል ለኣቲ እት ህለ ሰበት ትረኡ፡ እግል ልፍገር ኢደቅብ። እበ ምን ቅብላት ለረአው፡ ወእብ ሐዲስ እንዴ ትንዝመው ሓምድ እግል ለዐሩ እብ ደብር ኮንታሪ ፈግሮ ለዐለው ፖሊስ እንዴ ትከርደነ ሰበት ትጸበጡ፡ ለሰልፋይ አሲር ሰውረት ኤረትሮፕ ገብኦ።

ለሰለሕ አለቦም መልህያም ሓምድ እበ ደብር እንዴ ፈግረው ገጽ ኬን ክም ደነው፡ ተሐየበው ወዲብ ወደግ ዎሮ ትከረው። እንዴ አተናሰው ደርቦም ሐበት ክም አለቡ ክም ተኣከደው ግረ እንዴ ኢልትወለዩ ወኣዳም ታርፍ ምናም ክም ህለ እንዴ ኢደሉ፡ መልህያምም እንዴ ሐድገው ሸርብ ቤለው። ለወደግ አስክ ቀላቅል አክለ ትከረ እት ፈይሕ ሰበት ገይሱ፡ ህቶምመ እብ መጀቡ እት ሴር ክምለ ይዐለው ትፈንጠረው። እምበለ ምስሎ ለዐለው ወለኢፈንተው ምናም ስሉሓም ከረ ዐብዱ መሐመድ ፋይድ፡ ከራር አድም ወሓጅ ኩሎም ብጠሮ ለቤለዮም ይዐለ፡ ንዕኖ ለቤለዮም'መ ይዐለ፡ ዎሮትክ እብ እትጅሁ ዩክ አምደደ። አምዕል ሐቲ መዕረከት እንዴ ረአው፡ ካልእ እንዴ ኢደግሞ፡ ንዳል ምኑ ቶበው።

ሓምድ እብ ጀህቲ ለእሉ ጸብጦ እንዴ ጸብጦ እብ እንክር ብዕድ አስክ ደብር ኮንታሪ ሄረረ። አባይ እንዴ ዐረዩ ቅሩብ ጽብጠቲመ በጽሐ። ግረ እንዴ ትወለቡ ሰኒ እንዴ ኔሽን ዎሮት ሰበት አውደቀ ምናም ላኪን፡ መደቲት ሰበት በዋረው ምኑ፡ ትንፋሰ እንዴ ረክበ ሄራሩ አተላለ። ምድር ክም መሰ ህዩ ምስለ ለዐረዉ ከረ ዐዋቲ መሐመድ ፋይድ ለዐለው እቶም አስክ ዐድ ሰጎ ተዐደ።

እት ገብኣት መዐረከት፡ እበ ትትወጤ እግልክ ምን ቅባል አባይክ እግል ትጋብህ፡ ኢገኦ ምን ገብእ ህዩ፡ ምስል ለኢጠወረ ሰለሕ ወኣዳም ሐድ እንዴ አተርገዝክ እግል ትላክፍ ወትዝበዋ ኢትቀደረ። ምንክብ እንዴ ረክበ ሐቆ ፈግረ፡ እብ ጀህት ብዕደት ለጸንሖ ፖሊስ ክርዕም። ምናም ሐቆ ሀርቡ ለብዕዳም እብ አርወሐቲ እግል ልጽቦጡ ልትካርፉ ሰበት ዐለው፡ ምሽክለት ትርድት ተ ለዐለት።



አምነ መሐመድኖር ዑመር፡ እት አቅሊም ቅብለት በሐር ቀየሕ እዳረት ደዋሐ ሕርጊጎ ለትኅብር እም ዕያልተ። እት መሀረጃን ኤረትርየ 2023 እት ኤክስፖን ምስል በሐርን ወክይራተ ለአትአምሮ ምስል ዐለው ሐወ ወሐዋተ አካነ እንዴ ጸብጠት፡ ህታመ እብ ናያተ ማጽአት ወእግል ቤጽሐት ትሸፊሕ ዐለት። አሰይደ አምነ ዓሰ ደቡስ ከፎ ክም ልትዳሌ

“ወለት እለ በሐር ምን ገአኮ ተሐበንኮ”

አምነ መሐመድ ኖር

ትዛቤቱ ምኒ። ሐር ላኪን እት ሰነት 2019 ኮሮነ መጽአ ወሐረከት ሰበት የዐለት ክልሐቱ እት ቤተ ግሲት ዐለት። ላኪን እብ ዶል ዶሎ ንትራኩብ ወሚ ንሸቁ ንትባህል ዐል። ክእነ ዲብ ህሌን አሰመረ እንዴ ጌሰነ ለእንሻርክ



አምነ እት ኡጋንዳ ጃኢዘት ኤረትርየ እት ትትከበት

ወምን አሻም በሐር ለልትሰጠም ሰርጎ እግል ዕፌ ቅድምት ዐለት። እሊ ሸቅል እሊ እብ ከፎ ክም አቲት እቲ እት ትሸፊሕ ህዩ ክእነ ትብል፡-

“አነ ምን እንብእ ወምስልዩ እት መሕበር ክምኩማት ለህለየ መልህያቼ እት ቤትነ ግሱያት ዐል። ሐቲመ ለነአምረ ይዐለት እል። መደት ሐቲ ውዛረት ርዝቅ በሐር እት መሕበር እንዴ ከምከመውኑ እግል ነአድርሰክን ቤለውኑ። ሕናመ እብ ፈርሐት ትከበትናሆም። እበ ህቶም ሀበውናቱ በክት ህዩ ሸግዲት (መጀለቢ ዓሰ) ከፎ ክም ትሸቁ ደረሰነ ወሸቄነ እቤ። ለእሉ ሸቄነ ሸግዲ ለውዛረት እግል ተአትናይተነ ሰበት ሐዜት ኖሰ

እት ዐዘመት ድራሰት መጽአተነ። እት ሐንቴ ረዓየት ኮሚሰ ለሸቅዩ አዋልድ አንሳት ተን ለአድረሰዮ። ለድራሰት ወለት አንሳይት ከፎ እብ እቅትሳድ ረሐ ትቀድር እተይ ለትረከብ ምኑ አብካት ከፎ ትነፈሶ ምኑ ለከሰሰ ዐለ” ትቤ።

ምን እለ ድራሰት እለ ሚ እግል ቲዴ ክም ትቀድር ፍክረት መጽአተ፡ ሐቅሁመ እግል ድራሰት ወተባድል ተጅርበት አሰክ ዛምብዩ ጌሰት፡ ከዲቡመ ለዐለት እለ ፍክረት ደቅብ ወዴት እል። ምን ዛምብዩ ክም አቅበለት እግል አዋልድ መሕበረ እንዴ አከበተን፡ “ሕነ ሸቅየት ሸግዲት

(ሸበክት) ዕሉማት ህሌነ ወእብ እንክርመ ሸቅየት ዓሰ ዕልምት ህሌኑ፡ ከእለ መቅደረት እለ ከፎ ንትነፈሶ እበ ንሕሰብ” ቴለተን። ወእት ሸቅል ትበገሰዩ። ክምለ እለ ደርሰት እት ዐመል እግል ትጅርብ ወተአርእየን ተዐንደቀት። ሱብ ተብዕን ምን በሐር በለም ለልትበህል ዓሰ ነአይሸ እንዴ ጀለበው ክም ለመጽእ እለን ወደዩ።

እሊ በለም ሰልፍ እት ማይ ፈሌሕ ወምኑ እንዴ ፈግረ እብ ማይ ብሩድ ልትሐጸብ፡ ሐቅህ ምን አርድ እት አካን ርፍዕት መምደዲ እንዴ ትዳለ እሉ የብሱ። ጣወት ለትበህል መትሻቀዩት እንዴ ትዛብዩ እምበል ዜድ ወጪው ቀልያሁ። ዓሰ ነዳፈት ሰበት ለሐዜ እደየን እንዴ አጽረየ እብ ንንቲ እንዴ ልትነፈሶ እት መሸሸሁ ወድያሁ። ሐቅህ እት ዕዳገ ልትከፈ።

አምነ፡ ፈርያተ ዲብ ባዛር/ዕፌ ዝቤ እግል ተአቅርቦ በክት ረክበት ወአዳም ፈተዩ ወጠልበዩ። ምናተ አሰክ እለ መርአዩቱ ድኢኮን እት ዕዳገ ለልትከፊ ዘባይን ለልአተግጌዕ እተይ እት አፍረዮት ባጽሓት ኢህለዩ።

ውዛረት ርዝቅ በሐር ለወዴተ እለን ሰዳይት አምነ ብዙሕ ተሐምደ፡ እግልሚ፡ እት ምግብ ዐደን መትናየቲ ዲብ ትደፈሪን ዐለመተን። ለሸበክት ዲብ ለሐብካህ ሰኒ ዐባይ ዲብ በሐር ለትመደድ ምን ገብአት ክል ሐቲ ናየ እንዴ ሸቄት ሐር ዲብ ሕድ ለፍቃህ። እተ እንሳተት 30 አንሳይት ዐለየ ደአም ክለን የአተላለየ 15 ሌጠ ታርፋት ህለዩ። ዮም ላመ ሐድገሆሁ እብ ቀራረን እንዴ ተዐሰየ እግል ለአቅብለ ለሐዝዩ ክም ህለየ ወእሸቁ ለቤለ ሰበት ኢልትአቤ እግል ልትክምከመ ከመሕበር እንዴ ገአየ እግል ልሸቀየ ተአትናይተን።

አምነ፡ እት ሐንቴ ጽላል ዕዳገ ሕበር ምፍጋር ጸሓይ ወግብለት አፍሪቀ/ኮሚሰ (COMESA) እብ መሕበር ክምኩማት ምን ህለየ ወኪለት ናይ አንሳት ቅብለት በሐር ቀየሕ ህሌት። እት ግብለት በሐር ቀየሕመ እለ ትመስል መአክባይት ወኪለት እግል ተህሌ ትጽገም ክም ህሌት ተአክድ።

እብ ውዛረት ርዝቅ በሐር ለትክምከመ መሓብር አንሳት ብዙሕቲ፡ ዲብ ሐቲ ደውረት ለተዐለመየ ምስል ሐቲ መጅመ-ዐት አው ኦሮ መሕበር ገበአ። ሰበት እሊ፡ ክል እዳረት ደዋሐ መሕበረ ብእተ። አምነ ህዩ መስኡለት ናይለ እት እዳረት ደዋሐ ሕርጊጎ ለህለ መሕበር ተ። በክት ድራሰት ፍቶሕ ህለዮቱ በክት ዐቢ እት ገብእ፡ ክም ደረሰክ ከፎ ትዋሰሉ እት ረቅብትኩ፡ ሩእየትክ ወጅሁድክ ልትንከብ። እብ ተዐለምክ እት ሐቲ ኢት ለመጽእ እተይ ወአርዛቅ ኢህለ። ወሐቅ ከደምክ ጸማክ ከደን ኢቦዴ። እት መሕበር እብ መትከምካመን አምነ ወጸረ ለረክበያህ መሰለሐት ሚ ህሌት ገብእ፤ በሊሰ ክእናቲ።

“ክም ደረሰነ እግለ አድረሰውነ አንፋር ውዛረት ርዝቅ በሐር መሕበር እግል ንግበእ ነሐዜ ህሌን ዶል እንቤሉም፡ መርሐብ ዮም እግል

ርሕክን ትገበእ ወፈጅር እግል ሐዋትክን ቤለውኑ። ክሉ እግል ሸበክት ለልአትሐዜ መትሻቀዩ አግዳድ፡ እበር፡ ጣውለት ውብዕድ መትሻቀዩ ሀበውኑ። አግዳድ ቃሊቱ ወኢልትረከብ፤ ህቶም ላኪን ሀበውነ ወሐርመ ኖሶም ትዛብዎ ምንእነ ወለግሩሽ እተ ዶለ ሰበት ሀበውናተ እግል ዝያድ ንሸቁ ወንትከምከም አትናየተተነ”

አምነ ዛምብዩ እንዴ ጌሰት ምን ረኤት ወሰምዐት አፍካር እግል ልተንክር ዲብ ወለረኤተ እት ዐደ እግል ትጅርብ ትሸነህት።

“ለእት ካርጅ ህለ ከይራት ምን ዐድነ እንዴ ሐሰ ኢኮን፡ ከፎ ተሐንፍሎ ወትነፈሶ እብ እግል ትሕሰብ ላኪን ሰዴኩ። ሕነ ምንለዐል ክሉ በሐር ዐባይ፡ አርዛቀ ብዙሕ፡ ናግየት ወጽራት ብኩ። አዳም ምን ከዛናት ዓሰ ጀልብ ወለአዘቤ፡ ኢኮን ሕነ ለአርዛቀ ኢትሼቀረ በሐር ለእንመልክ። አነ ክም ረኤኮ ወሰምዐት አልሐምድለ ወለት እለ በሐር እለ ምን ገብእኮ! እቤ ወዝያድ እግል እሸቁ ተዐንደቅ፡ ወምን ምዕል እት ምዕል ተቅዩር አመጽእ ህሌኮ ያፊት ወለት 15 ወአቅበልኮ እብል ህሌኮ” ህዩ ትቤ።

ዕዳገ እበ ከሰሰ ለፈርያት ሐድመ ምን ገብእ፡ ምን መርአዩ ለአምጸአያሁ ለአዋዕመ ወክም ጠዐመው አየ ልትረከብ እግል ንትዛቤ እት ልብሎ መጽእወን።

እት መሕበር ክምከማት ሰበት ተን ዲብ አሰመረ እት ክል አክር ሸሀር ለገብእ ባዛር ሻርኩ። ቀደም መሀረጃን ለዕፌ ባዛር ሰበት ዐለ ለርካቡ ፈርያተ ዲብ እዝቤቱ ምን ጸንሐት፡ እትሊ መሀረጃን ምን መርአዩ ለልሐልፍ ለልትዘቤ የዐለ እሊ። እግል መስኡለት ኮሚሰ እት ኤረትርየ አሰይደ ሰላማዊት ህዩ ብዙሕ ተሐምደ።

“አነ ምስለ ሉቀት ለይአምር ክም ምራጄ እግል እሸረሕ ወእትሰአል ይእቀድር፡ ህተ ላኪን ምን ቅሩብ ታበወ፤ ትሰዴኒ ወተአትናይተኒ። እግል መሕበርነ ህዩ ዒዳት ተ። እብ እግረ ምን ኢትመጸአናመ እብ ተለፋን ለህሌት ሐብሬ ተህይወነ ወትወጀህ። እበ ህተ ለትወድዩ እነ አትናያት ብዙሕ ተጠውር ነአርኤ ህሌነ” እንዴ ትብል ወቀይ አሰይደ ሰላማዊት ተዐጅብ።

ዲብ ባዛር እግል ትሻርክ ዶል ትመጽእ፡ እምበል ለዓሰ ደቡስ ምስል ብዕዳት ወካይል መሕበር እንዴ ትሳዴት እብ ሐምሐምስ እንዴ ትነዝመየ እተ ወድያሁ ሸቅል ተጃረት ዓሰ ጥሉል እት ሰንድዊት እንዴ ትወዴ ተአዘቤ። ዲብ ባጽዕመ እብ መናሰበት 32ይት ዝክረት ዐመልየት ፈንቅል ወተሕረር ባጽዕ እዳረት አቅሊም እብ ለህ አካን እንዴ ሰምሐት እለን፡ውዛረት ርዝቅ በሐር መትሻቀዩ እንዴ ሀበተን ልትበለዕ ወልትሰቲ እት ለአዘብዩ ፓሻሆን ተሐደረየ ወእብ ድራረን አተዩ።

እት መሀረጃን ኤረትርየ 2023 እንዴ መጽአት እግል ትሻርክ ለቀድረት እብ ሰዳየት አቅሊም ቲ፡ ብዙሕ ህዩ ትነፈሪት ምኑ። ምን መተቅብለት ከብቲ ረክበት፡ እግል ትትአመር ወአካነ እንዴ ሐበረት ዘባይን እግል



አምነ መሐመድኖር

ተሓብዜሕ ሰእየት ቤ።

አምነ ደዓም (2022) እት ወሬሕ አጎሰት ዲብ ኡጋንዳ ጋብእ እተ ዐለ ኮሚሰ ለነዝምዩ መዕረድ ፈርያት አዋልድ አንሳት አፍሪቀ ምስል መልሂተ ሹርክት ዐለት። እትሊ 19 ደውለት አፍሪቀ ለሻረከየ ዲብ መዕረድ ኤረትርየ እብ ግርመት ፍርያተ፡ ነዳፈተ ወንዝም ተቅዴመ አውላይት ፈግረት። አምነ ለወክድ ለሀይ ለትሰመዐተ ፈርሐት ወሰፍ አለበ እሊ። እሊ ህዩ ፈድል መሻረከት መሕበር ወጠን አ/ አንሳት ኤረትርየ፡ አንፋር ሰፋረት ወአንፋር ጃልየት ኤረትርየ ለትረከበ ሰበት ቲ፡ ኤረትርያይ ግብአት አክል አዩ ለለሸንን ክምቲ ለረኤተ እተ መናሰበት ተ ለዐለት። “ኤረትርየን ዕውታም ወሰርጉላም ሕነ ወለጃኢዘትነ እት ኮሚሰ ሰቅልት ህሌት” ህዩ ትቤ እብ ሐበን።

እት ደንገበ አሰይደ አምነ፡ “አዋልድ አንሳት ለረክበያሁ ተዕሊም




አምነ እት መሀረጃን ኤረትርየ 2023

ክብብ እንዴ ወደያሁ እግል ልሰከበ እቲ አለበን፡ ልሸቀየ እብ ወልጠውራሁ” እት ትብል ተ ለትፋነዮን። እንዴ አትሌት፡ “ለገብአት እተይ ለትረከብ ምነ ሓጀት እግል ልቅበበ አለበን፡ ሞት ወሐዮት ዲመ ምስልናተን፡ ክልዶል ምን እናሰ ሌጠ ትጸበር ሐቅ ገብእክ ምን ብዙሕ ትተርፍ። ሱፋር ምን ህለ ምዶል መጽእ ትብል፡ እዴሁ ምን ተሐጭር ዘዐል ወገህይ ህሊ፡ ሰበት እሊ ህተ እተ ቤት ገሌ ርዝቅ ወሰከት ምንገብእ፡ እት መስከብት ለዓይለት ተረት ዐባይ ተህሌ እሊ። ምን ኖሰ ለተፈግሩ እተይ ክም ለህሌ እለ እግል ትጽገም ብ” እንዴ ትቤ፡ ጸዋህ እተ ዳሮም እግል ትወሰክ እተ ትወድየ ሐረከት ወሰፈር ረዩም አትናያት ሳድያይ ድኢኮን መዐንቅፋየ ክም ኢኮን ትሸህድ እሊ። “ዮም እናሰ ወእሲት ሕድ እንዴ ሰደው እግል ልሕሎፈ ክም ቦም ክሉ አዳም ፈሀመ ወአመረ” እንዴ ትቤ እትላ ሸርሐ ልትጸበር ለዐለ መትዛይራይ መሀረጃን አቅበለት።




ዝያረት ርኢሰ ኢሰያስ አፍወርቂ፡ እት ጅምሁርያት ግብለት አፍሪቀ እብ ሰወር



ዲዛይን ታእዛዝ ኣብርሃ
ሰወር - አክሊሉ ዝርእዝጊ

ሸባብ

ዶ/ር ዑመር ዑሰማን



ከረም እብ አልበዕተ፡ ዮም 17 ኣጎሰት 1961፡ እንዴ ተዐንደቀ እት ግድለ ሰለሕ ትብገሰ፡ ዲብ ባካቲ ለዐለው አቡ ሽምሰ ለጽዋርም ሽንግራይ ዐማር ወሳልሕ ቅሩጫይ፡ አቡሰተ ለራፊዕ ሁመድ ዶሒን ህዩ ምስሉ ቀንጸው። ናይ ሓምድ ለዐለዩ ሐቲ ስብር ማኔክር ወሐቲ አቡርሐን(ግንጽል) ምስሉም እንዴ ነስአወን ትብገሰው። እሎም ክልኦት ሓርያም ምስል ዐዋቲ መሐመድ ፋይድ ሸፈተው ልትብህሉ ለዐለው ቶም።

እተ ዶሉ ሓምድ ክልኦት ልኡክ ነደአ። ለዎሮ ዲብ ከረ ዐዋቲ መሐመድ ፋይድ ገብእ እት ህሉ፡ “ክላስ ዮም ፋግር ህሌኮ ዐሩኒ” ለልብል ዐለ። ለካልእ ህዩ፡ “ምን እለ ወሐር ኣነ ሽመት እንዴ ትገልቡብኩ ዲብ ቤት እግል እጽንሐኩም ኢኮን። ከደን ፋግር ህሌኮ። ምንኩም እዩ ለልሐዜ ለዐሬኒ” እንዴ ቤለ ዲብ ፖሊስ ለኣከዩ። ሐቆ እለ እግሉ ለልሐዙ ዐሳክር ይዐረወ ወህቲመ አሰክ ምንክብ ረክብ ኢትረኣ፡ ታሱ አብደ ከትም ቤለ።

ሓምድ፡ ምሴት ሐቲ ሓምስ ረአሱ ዲብ ባካት ተሰነይ ከረም ዱድ እተ ትትብህል ሰማንዩ ወሐምስ ሸቃላይ ዲብለ ብእተ ኣካን ሐርስ ሻክፍ ዐለ። ሰብለ ሐርስ አንፋር አሰንበልዩ ኤረትርዮ ለዐለው ዑሰማን ዐብደረሕማን ሻፍራይ ወመሐመድ ሰዒድ ሐሰኖ ልትብህሉ። ላኪን፡ እሎም እንዴ ሐዘ ኢጊሰዩ ለኣካን።

ዝላም ድቅብ ሰበት ዐለት እግል ለአጽሄ ምስል መልሂቲ አለወጠ ዲቤ። ለሸቃለ ምንመ ኢፈሩጎም ሻሂ አሰተዎም ወአድረረዎም። “እግል ሓምድ አምሩ፡ ምናተ ለምድር ጽልመት ሰበት ዐለ አሰክ

ዶል ብጋሰቲ ይኣሌሌኸው” ለቤለ መስኡል ናይለ ሸቃለ ለዐለ ሰሌማን ግርጃጅ ክእነ ልብል፡ “ዝላም ባካት ሳዐት ሴዕ ገብእ ክም ጽሄት፡ ሓምድ ምስል ጸሩ ብግስ ቤለ።

ፈርሀት ዐለት እትኑ ምናተ እበ ዎሮ እንክር ለኢትትረዴ ሱሰቲ ምን ደረከተኒ፡ እብለ ካልእ ህዩ ትንብረት ህግዩ እግል ልግበእ እዩ፡ “ለአወድግ ወመሓዛት ክሉ ምሉእ ህለ እግል ለሓልፊኩም ኢኮን አፎ ኢትትመዩው” እቤሉ።

ህቲ ላተ ፋርግዬ ሰበት ጸንሐ፡ “ግራኅ አዳም ዋድያም እግል ነህሌ ሰበት እንቀድር እግል ንትመዩ ኢኮን፡ ምናተ ሓምድ ሚ ረእኩም ቤለውኩም ምን ገብእ፡ እግል ኢልዐዝቡኩም አሰርን አጽቡጦም” ቤሉኒ። ለዶል ለህ አክል-ሕድ ፈረግክው። እብ ሐዲስ ትሰላለምን። በዲር ዲብ ዘበን እንግሊዝ ንትአመር። “አዩ ትገይሰ ህሌኮ ሚ ትገብእ ህሌኮ?” እንዴ እቤ ትሰአልክው። “ጀለ ሕርየት ምድር ቅጡብ እግል እዝረእ ዲቡ ቱ” ቤሉኒ ወእበ ትፈናቴን። በዲሩ በዐል ከደን ቱ ወለዶልመ ከደኑ ጌሰ።

ሓምድ እንዴ በትክ ሰበት ትብገስ ዜነቲ ለለአምሮ ወክበሩ ለሰመዐው ብዝሓም እሎም፡ አሰክ እብ መረዊሆም እት እግሩ ቀንጸው። አሰሩ ለቀንጾ ሰብ መናዱቅ እግል ልርኩብ ሰበት ትብገሰ፡ “ግድም ግድለ ጀለ ወጠን እንዲኢኮን ሽፍትነት ይህሌት” እት ልብል ተዕቢኣት ኣንበተ።

ደለ ዲበ ዓረፈ ወትንፋሰ ረክበ እተ ኣካን ቀደም ነብረ ወማይ፡ ክትብት ጀዋባት ለአበድር ዐለ። ተጃርብ ለቦም ሰብ ሰለሕ አጊድ እግል ለዐርወ ዐሸም ዐለ እሉ። ዲብለ እብ ግዋል ዲብ ሶዳን ዐሳክር

ሓምድ ዲብ ግድለ ሰለሕ

እንዴ ገብአው ዲብ ሸቁ ግድለ ሰለሕ እግል ለአንብቶ ልትዳለው ለዐለው ኤረትርዮንመ “ሕኩመት እግል ትጽብጠኒ ምን ሐዜት ኣነ ፋግር ህሌኮ። ኩንትራቲ ለአትመመ ወእግል ልናድል ለለሐዜ ኣዜ ለዐሬኒ” እንዴ ቤለ ጀዋብ ለከትብ ዲቦምመ እሊ ወክድ እሊቲ ልብል ኪዳኔ ህዳድ።

መዐረከት አማል - 24

አክቶበር 1961

እት አብ-ሐሼሉ፡ ዑሰማን ሐጃጅ ለልትብህል ታጅር በዐል ድካን፡ ከረ ሓምድ ትዕባም እት እንቶም ክም መጽአወ ሰኒ እንዴ ተሐደረዮም፡ እንጌረ ወማይ እንዴ ህበዮም ክም ልትህመሉ ወደ። “ዮም እተዩ ክም ህሌክም ለተአምር ሕኩመት ይህሌት። ከበርኩም እብ ክሉ እትጅሃት ሰሞዕ ሰበት ይዐለ፡ አመት ዕርፍኩም ሌጠ ወደው፡ ዋርድየት ኖሼ ህሌኮ እክም!” እንዴ ቤለ ጌሰ። ህቶም ህዩ ሰበት ደምነወ ወአምነወ ከነው እብ ሰካብ ወደው።

ለመደት ለህ አክለ ድጌ ድጌ አተውተ ሸዑብ ሰኒ ልትከብቶም ዐለ። ህቶምመ እብ ሰበት ጀዋሲስ ለዲብ እንብተት ንዳሎም እት ህለው ሳድፎም ለዐለ መታክል እንክር እንዴ ከፊኮ፡ ምን ድጌ ርደም እንዴ ቤለው ራውጋም እት እንቶም ለዓርፎ ወሐር ለዐድ እበ ለህዮም ቱ ለልትብላዕ ወልትሱቲ እንዴ አግነዐው፡ ለሐምዶ ወገይሶ ዐለው።

ደሐን ዲማተ ወብቆት ሐቲ ዮም ክምለ ልትብህል፡ ዑሰማን ሐጃጅ ጀላብ መንገፎ መሐርበት፡ ወለረቃቅ ሰውረት እንዴ ሐሰቤ፡ እግል ዐቂብ ዋርድየት ኢኮን ለጌሰ- ጠልመዮም። ዋርድየት ለፈግር እንዴ ትመሰሉ፡ እግል ጅኔታይ ዎሮት እት አድግ ሪፋይ እንዴ ጸዐነዩ ልኡክ ነደአዩ።

ዐሳክር ሂር እት ወዱ አሰክ አብሐሼለ - ቤት ዑሰማን ሐጃጅ አሰረረው። ምድር ጸልመተ። ለዐሳክር፡ እግል ሊደወ ለዐለ እሎም መዳሊት ሰልፍ እግል ህጃም ወደወ፡

ዐንክል ትጸበጠ፡ አርድ ወከረቢቱመ እተ ክምሰልሁ፡ ምፍጋር ወምእታይ ክለ እት መራቀብት ክም ተኣቲ ዶል ገበኣ፡ እብ ግምብዩ አተው እቶም። ምን ሐዘው ህዩ፡ ሓምድ ኢህለ ወመልህያመ። ቀዳማዮም ምነ ለዐለው እተ ኣካን እንዴ ትጃቀቀው እት ሐቲ ቂሾት ንኢሽ ናይ ብዳዊት ድራር እንዴ ጠልበው በልዎ ዐለው።

ለኣካን ሰኒ ቅርብት ተ። ዑሰማን ሐጃጅ እብ ሐዲስ ምድር ለለአምር አዳም እንዴ ለኣኮ፡ ከረ ሓምድ እት አዩ ሳክባም ክም ህለው ተኣከደ። እግል ዐሳክር ጃሱስ እንዴ ህበዮም ለእክዮም። እንዴ ተህመለው ምን ሸኩክ እትኩሩማም ኢለአምሮ ሓምድ ወጀማዐቱ። እለ አምዕል እለ ላተ ተህመለው ከዲብ ሸረክ አተው። ለፖሊስ እሎም እት ከርድኖ ዎሮቶም ዕጫይ ኬደ ከትሰበረ እብ። ክርንለ ዕጫይ እምበልሁመ ሸሸሕ ትሰመዐት። እለ ለዳገመ እድሪስ መሕመድ፡ ሐከሽ ኢለሓልፍ፡ ላሊመ ብዞሕ ኢሰክብ። ቅንጽ ቤለ ወለድዋራት እቲ አተናሰ። ገሌ ሓጃት እት ልትጫፈር ለሐልፍ ረኣ። ነፈር ብዕድ ህዩ፡ እግል ቀዳም እብ ሰዐይ ሐልፈዩ። ሳልሰመ ወሰ ቤለ። ዎሮት ለካልእ እት ለሐልፍ ወመትጫፋሮም ክም ደጋገመ፡ አዳም ክም ቶም ተኣከደ ምናም። ልትከርደኖ ክም ህለ ሰበት ትፈህመዩ ህዩ፡ “ሓምድ፡ ሓምድ ምድር አዳም ወደ” እት ልብል ደምህዩ ከህረሰዩ። እተ ሰምጡ ሳክብ ዐለ። ለብዕዳምመ ክምሰልሁ ክብ-ክብ እንዴ ቤለው ክም ፈዝዐው፡ እተ ግድምለ መሓዝ እንዴ ትሰርሰረው ድፊዕ ጸብጠው።

ፖሊስ ኣክራን ክም ሰመዐው ሐርብ ፈተሐው። እምበል ህደፍ እተ ጽልመት ስልሐም ተብብ አበለው። ብላሸመ ይዐለ። ዐብዱ መሐመድ ፋይድ ክልኤ ወርኩቲ ትዘበጠ ከወድቀ።

ሰብ ናይለ እት ረኣሰነ ለገበኣ ህጃም ዑሰማን ሐጃጅ ዐለ። ሐቆ እለ ዐብዱ ለከሰርን እተ መዕረከት ህዩ፡ “ሓምድ ኢለአዝም ምንዩ” ሰበት ቤለ፡ ዐፍሹ ሐዩበ ወህይትተ

አተ። እት ለዐል ክምለ ትሸረሐ፡ ዑሰማን ሐጃጅ እመር ድድ ሰውረት ቱ ለዐለ። ምን ቀዳሙመ ለልአሙሩ ክምለ ሸርሕው፡ እት መደት ሸፍትነት አርበዓታት መኣይዳይ እንግሊዝ እንዴ ገበኣ፡ ምስል ከረ ሓምድ ዐዳወት ለዐለት እሉ ነፈር ቱ።

እበ መዋዲቲ ህዩ ብዞሕ ክም አሰረወ ወጃዘወ ልትሸረሕ። ምነ ቀዳሚቲ ለሓራቲ ኣኪት። እት መደት ግድለ እግል ሕርየትመ አመሉ ኢጠለቀ። ምራዱ እንዴ ወደ ምን ሓምድ እግል ልሰኬ ላኪን ኢቀድረ። “ዑሰማን ሐጃጅ ሼክ ነሳብ ዐለ” ለቤለ ዐወድ ሸሪፍ እንዴ አትሉ።

ምን ቀዳሙ ምስል ነዘር ናረ ወኩናመ ዕላቀት ዐለት እሉ። ሰውረት ክም አንበተት ህዩ ክል ዶል ባርንቶ እት ገይሰ እብ ክሰሳ ግድለ ሐብሬ ለሓልፍ ዐለ። ከረ ሓምድ እትሊ ድጌ ትመዩው፡ እት ሎሂ ወዐለው፡ እት ሎሂ ደረረው፡ ማል ለለአትፋግርመ ህለው ልብል ዐለ። ጀሳሳት ክም አብዘሐ ተሐዘር ተህዩበዩ። መትሰይሐት ክም አበ ህዩ ቀትለው። ላሊ እት አሸለ ዐድብሽ እተ ልትብህል ድጌ ህዩ፡ ምን ቤቲ ፍግር እንዴ ቤለው ጠግ አበለው። ክሉ ለአክላጣቲ እንዴ ከትብው ህዩ፡ እት ወሪዱ ዐለገወ እሉ ከጌሰው ምኑ።

ዐብዱ ክም ትዘበጠ ለአመረ ወለ ዎሮትመ ይዐለ። ዶል ሰልፍ ክሎም እንዴ ትሰርተከው ክም ፈግረው ወምን መለገት ክም ፈግረው ሌጠ መሰሉም ዐለ። ዐብዱ ክም ትጀረሐ ከአሰተሸህደ ሐሬ ቱ ለአከደው። እት ግድለ ሰለሕ ህዩ ለአወላይ ሸሂድ ምሐርባይ ህቲ ገብኣ።

ለመዐረከት አክል-ሕድ ሳዐት 21፡22 እብ ዐለቦት ሳዐት ዐስከርየት ክም ዐለት ብዝሓም መዳግመት ሸርሐ።

ዴማት፡ ክታብ ሓምድ እድሪስ ዐዋቲ እብ ህይሌሰላሴ ወልዱ



ቀብር አወላይ ሸሂድ ሰውረት ኤረትርዮ፡ ዐብዱ መሐመድ ፋይድ (አማል)

ደደፍ ምን ሮሻን ብሻውሮ እግል ልትሳረሕ ትዳለ - እለ ሰልፋይት መረቱተ - እናስ ሸንጉል እንዴ ገብአ - ወርሐ እንዴ ቀድረ ምን ዐዱ ለልትፈንቴ ዲቤ። እ'ለ ኢነት እ'ለ እግ'ለ ዐድ - ሐበን ወፋሽ - ለትሐበረ ዲበ ሰፈላል ሐድገ እሎም። ዛፍ እተ መላትሐ እብ አናብዐ አስክ ልትሐጸብ ሰዐመቱ። ኹኔመ ደሐረፍ ወደዐ ወደ እሉ - ህቱመ ኖሱ አስክለ መዕበድ እግል ልሳፍር ዱሉይ ዐሎ። ናፋ ህዬ እግለ እዴህ እብክለ ሐሌቱ እንዴ ጨቅመዩ ክም እ'ለ ቤለዩ። “ደደፍ ለንቡወትዬ አምዲላት ኖሰን እት አማን እግል ልበድላሃ ተን”። ላመ ሐዲስ ነፈር ዓይለት ብሻውሮ ጋብአት ለዐለት ማነ ወለት ካማዲ - እሲት ናፈ - ህታመ ሰኒ ሳርሐቱ። ብሻውሮ ለድግለል ህዬ ለገዛፍ እዴህ እተ መርከቡ እንዴ ከረ እሉ። ከሰኒ ሕቡን ወሻንን እት እንቱ ክም እ'ለ ቤለዩ። “አሰር አቡከ እግል ትጽብጥ ለሰልፋይት ዐተበት ግድም ዕዱየ ሰበት ህሌኩ። አነ ሰኒ ብሱጥ ወርዮሕ ምንከ ህሌኩ። እንሻለ እተ እለ ክድከ ደሐን ጸዐደ ትታሌኩ።” ደደፍ ሐቆ እለ ዕንቦበት ሎትሰ ዲብ ረአስ ቀብር ጃመርክ እንዴ ከረ። አስክ ሮሻንለ በዐ'ለ ውቅልት ሕሽመት አሚር ረዕዮ እግል ልንከሰ ትዳለ።

በክት ሰኒ ሰበት ወደ፡ መለሀይ መሰከቡ ዲብለ ሮሻንለ አሚር ጋብእ ለዐሎ። ምን ዘመን ንእሹ ለለአ'ምሩ ናይ በዲር መሰኒሁ እንዴ ገበአ ጸንሐዩ። ለመሰኒሁ መፈተይ መንደላይ መሰንዮት ወበዐል ቀልብ ባርህ። ሐቱመ ለኢለሐቤዕ ወለኢሰትር ውበዝሕት ህግዩ ለፈቱ ዐሎ። ደደፍ ክም ረአ ሰኒ ፈርሐ ወናይ ሐትነት ኩቡቱ ወደ እሉ ወእት ልትሰሐቅ ክም እለ ቤለዩ።

- እለ እንተ ክልዶል አሰር አሰርዬ ትገብእ።

ደደፍ ተበሰም ወደ ወክም እ'ለ ቤለዩ።

- እት ገበይ ዐውቱ ወሰርገል ለሀለ ላቱ ኩሉ ልታለዩ።
- ዐውቱ ወሰርገል ላቱ ናይካተን ደደፍ። ዲብለ ብድራታት እከ ለልትዓደል ምን ዐለ። እከ ለመሰል ዐስከሪ ቀደም እለ ርኡይ ኢኮን ወሰጥዕ። አነ ምን ክሉ ቀልብዬ እባርክ እግልከ ወእድሕረኩ።

ደደፍ ሐመደዩ፡ ምድር ክም መሰ ህዬ “ሰንፈሮ” ምን ነፊትለ ለቡብሱ ግዝዘት ከምረት ወክልኦት ካሰ ናይ ፍደት እንዴ አፍገረ ክም እለ ቤለዩ።

 - ቀደም ሰካብዬ ካሰ ከምረት ለመድኮ። ዓደት ሰኔት ተ እለ .. ትሰቱ ምስልዬ ሚ ኢፋልከ?
 - አነ ዐሰር እሰቱ። ከምረት ላተ ቀደም እለ አፋዬመ እብጸሐ ይኣነ።
 - ሰቱ .. ከምረት ሕማም ጅኑድ ተ።

ተመህ ቀደር



ሐቆ መደቲት እብ ህግዩ አማን ክም እለ ቤለዩ።

- ደደፍ ሐቱ። እሊ ዲቡ ማጽእ ህሌከ ሸቅል ትልህዩ ወደአል ኢፈቱ ኹለ ባለኩ።

ደደፍ ለህግዩ እት ልትሃወን እበ ተበሰም ወደ ወክም እ'ለ ቤለዩ።

- ለነፍሰዬ ሐያትለ ዐስከርየት ክም ትለ'ምደ ዋድህ ህሌኩ።

ሰንፍሮ ክም እለ በልሰ ዲቡ።

- ሐያት ዐስከርየት ላተ ክለነ ላምዳመ ህሌኩ። ምናተ በዐ'ለ ውቅልት ሕሽመት ፍንቱይ ጋር ቱ።

ደደፍ ክም እስትቅሩብ እት እንቱ ሰአል ወጀህ ዲቡ።

- ሚ በሀለትካ ቱ?
- አነ ሐቱ ሰበት እንተ እግል እንሰሐከ ሐዘኩ። ለመሰአለት፡ ለጋር እንዴ አመርካሁ ሕሳብክ እግል ትውዴ እሉ ምን እቤቱ። ክድመት እት ሐንለ አሚር ሰኒ ፈዳብ ሸቅል ልምሰል እትኩ።
- እብ ከፎ?

- በዐ'ለ ውቅልት ሕሽመት ረሕመት አለቡ። ለልቡ ምን በልቀት አው ምነ ወኬን ጽኑዕ ቱ። ህ'መል እት እንተ ለተአጀርየ ክም ዐገብ ነሰአ። ወጌገ ህዬ ክምለ ኢትትሳመሕ ጀሪመት ለዐልቡ። መሰር አምዕል ለእት ሐን ሰልጡቱ ትገብእ ተ ራሐት እግል ትርከብ ኢኮን። ክመ ጀላለት አቡሁ ዶል-ዶል ለውድዩ፡ ጸልዐት እብ ሰራይ ኢሰፍፈ። ህቱ ጸሌዕ ቀለልመ ለበዲቡ ገርብ ረአ ምን ገብእ። ገርቡ ምኑ ሌጠ ከለክፉ!

- ከአማኑ ቱ። መልክ ሓዝም እግል ልግበእ ገብአ ምን ገብእ። ብዝሕት ረሕመት ኢተአትሐዝዩ።
- ብዝሕት ረሕመት በሀለትዬ ኢኮን .. ምናተ ዐደም ረሕመት ህዬ ሰኒ እኩይቱ። ለጋር ህዬ ሐቲክ እተ ዶል ኖስከ እብ ዕንክ እግል ትርአዮቱ። ሐቱመ አምዕል ትግበእ እምበል ዕቁባት ለለሓልፈ ይህሌት። ለዕቁባት ገሌሁ እት ረአሰለ ከደም፡ ወገሌሁ እት ረአሰለ ጅኑድ፡ ወገሌሁመ ለወካይል ወአስክለ ድባጥ ለበጼሕ ዕቁባትመ ኢልትሐገል። ወአክለ ምድር ጸብሓተ ሰኒ ወአማን ልትሸወክ ወረሕመት እት ለሐግል መጽእ ህለ!

ደደፍ ክም እለ ቤለዩ።

- እናስ አክለ ዐበ ወሸንገላተ ከእት ለ'ብብ ወረሕመት እት ወስክ መጽእ። እለ ህግዩ እለ ፌለሱፍ

ፋቅምነ ብህላቱ።

ሰንፍሩ ውቁል ሰሓቅ እንዴ ትሰሐቅ ክም እለ ቤለዩ።

- ኦሮት ጅንዲ ልትሃጌ ዲብ ሀለ ዘዐት ለባበት እግል ለአፍግር አለቡ። እለ ህዬ ህግዩ በዐ'ለ ውቅልት ሕሽመት ተ! እዲነ በዐ'ለ ውቅልት ሕሽመት ወረአይ ፋቅምነ ክልኦት ቅብላት አሕድ ለህለው ጋራት ቶም። እብ ሚ ሰቡብ ቱ መሰለከ? ህቱ አዜ ወድ አርበዐ ሰነት ሀለ .. ወድ አርበዐ ሰነት ዌርሳይ ዐራት! እስኪ ቅሩብ ሕሰብ እብለ!

ለመንደላይ እብ ክልኤ ልትሰአለ ህለዩ ለመሰለ ዕንቴታት ክሌሕ ቤለዩ። ሰንፍሩ እብ ክርን ድህርት ህግዩሁ አተላላ።

- ዌርሰት ዐራት ነኣይሸ እት እንቶም እግል ልሕከዋ ልትሸከህ። ከአቅዳር ኢረድአቶም ወኢረሕመት እቶም ምን ገብእ ረሕመት አለቦም ገበኦ!
- ህቱ እሊ በዐ'ለ ውቅልት ሕሽመት ሃዲ ኢኮን?
- ከማል አጀይኖታት ወአዋልዶታት ወሉድ ቱ።

ከእለ ምን ገብእ ለዐርሽ ዝርየቱ እግል ትወር'ሱ ሰበት ትቀድር ህቱ ደሐኑቱ አፎ ዐደድ እለ ተሃለገ እሉ?

- እሊ ምን መትአሳፍ ለለአውሕድ እቡ ጋር ኢኮን .. ላመ ፈርሀትለ አሚር ምን እለ አካን እለ ኢትምሰለኩ።
- ከእሰዋተ ለምነ ፈርሀ? ሐዉ ህዬ ቀዋኒንለ መምለከት ሰኒ ጣይዓመ ቶም ማሚ?
- እለ ላተ ሸክ ኢትውዴ ዲቤ። ህቶም ላተ ዲብለ ሸመት ብዞሕ ጠመዕመ አለቦም። በሀለት እማቶም ምነ ሐሪምለ ሮሻን ተን። ጀላለትለ መልከት ህዬ እሉ ወሕቱ መሪ ሲ ዐንኽ ሌጠ ወልደት። ለዐርሽ ህዬ ቀደም ክሉ እ'ሎም ክልኦት እሎ'ም ወሩሱ። ምናተ እግ'ለ አሚር ሰካብ ካልእ ለሀለ ጋር .. ለዓፍየት ወለ ሐሊት ናይለ በዐለ ጀላለት ተን!
- ከፈርዑን መዕቡድ ኩለ መሰርቱ ኢኮን።

ላዳብጥ እንዴ አቅመተዩ ክም እ'ለ ቤለዩ።

- እምበል ሸክ ህታተ .. አነ ሀድግ እበ ለህሌኩ፡ ነፍሰ ደሚር ሕይዬ እንዴ ረክበት ከህቱ ለዐል ኢፈግረ እበ ምን ገብእ። አሰር ትምኔት እት ተአሎብጥ ገጸ ተሐት ሌጠ ተውቅ። አሊህት ኖሰ ኢሰትረት ምን ገብእ። መሰር ኦሮት ካይን ሚኢልትወለድ ዲበ .. ረቢ ኢልውደዩ በል ሐቱ።

አዜ ህዬ ለክምረት ዕሌ ምነ እከ መኢፋልከ? .. አነ ምን ጢበ አነ። ምናተ መተዐሰብ ይኣነ እግል ኩሉ ለአዳም እብ ሐቱ ዕን እርእዩ።

ደደፍ ክም እለ ቤለዩ።

- ሰንፍሮ፡ እለ ከምረትከ ሰኒ ጥዕም ህሌት።

ሰንፍሮ ልህግዩሁ እት'ለ

እንዴ አትመመዩ አስክ ምስካቡ ንሱ። ደደፍ ላቱ ሰካብ በደ ምኑ። ለመለሀዩ መሪ ሲ ዐንኽ ሰበት ፈቅደ እሉ። ክመ ዓሰ ለጸናለ ነብረ ለእተ ረአሰለ ማይ ክሪት ህሌት ክም ረክበ ለከይዱ መካይድ፡ ህቱመ ለርሐ ሰርቤብ ወሀጋይን ገበኦት ምኑ። ሕሳባት እቡ አሎብጠ ወልቡ እብ ሰፈላል ሰበት ዐቦረገ ምኑ። ክለ ለላለ ርሐ እት ለአትሓሌ ትመዩ።

ልባብ

ብርትካን ምን ትፈሕ እብ ሚ ገብእ ልትፈንቴ?

ለመደርሰት እግለ ደረሳይ አወላይ ፈሰል ለዐለ ጀኔታይ ክም እለ እት ትብል ትሰአለቱ። “አነ ሐቱ ትፋሐት እንዴ ሀብኩ። ካልኣይት ምን እደግመኩ። ወአሰራመ ሐቱ ምን እወሰከኩ። ምስልክ ለሀለዩ ትፋሕ ዕልበን ክም ገብእ?”

ለደረሳይ እብ ደማነት ነፍሱ፡ ‘አርበዕ ትፋሐት ገብኦ!’ እት ልብል በሊሰ ሀቤ። ለመዐልመት ለደረሳይ ምን አመረ የምክን ሰኒ ኢሰምዐዩ ገብእ ሰበት መሰለዩ ለሰአል ምን ሐዲስ ደግመቱ እሉ። ለጀኔታይ እግል መደቲት ሐሰበ ወበሊሰ ብዕድ እግል ልርከብ እበ አጩብዓቱ ነኣይሸ እት ለዐልብ አንበተ። ምናተ እምበለ በሊሱ ለቀዳም ብዕድ ሰበት ኢረከቤ። ወተእተእ እት ልብል እለ ኢነት እላመ “አልበዕ” ለልብል በሊሰ ሀቤ።

ገጽለ መዐልመት አሻይር ቡቲክ ሰእየት ትረአ ዲቡ። ምናተ እብለ ኢጠብረቱ። ለሕጻን ብርትካን ክም ፈቱ ተአ'ምር ሰበት ዐለት። እለ ዶል እለ እብ ብርትካን ትሰአለቱ። ከክም እለ ትቤ። ብርትካንት እንዴ ሀብኩ። ከካልኣይት እንዴ ወሰ'ኮከ ሓሪት ምን እደግመከ ለምስልክ ህለዩ ብርትካን ክም ገብኦ?

ለጀኔታይ ወቅት እንዴ ኢለአበዴ ሰለሰ ብርትካንት ገብኦ እት ልብል በልሱ።

ለመዐልት እሊ ሰበት አትናየተዩ፡ እብ ሐዲስ ምነ ትፋሓት ትሰአለቱ። ህቱመ ክመ እተ በዲሩ አርበዕ ትፋሐት! ገብኦ እት ልብል በልሱ።

እለ ክም ሰምዐት ሰኒ ሐርቀት ወክም እለ እት ትብል ተሀራሀረቱ። ፍንገል ትፋሕ ወለ ብርትካን ሚ ፍንቲት ሰበት ረከብኩቱ?

ለጀኔታይ ለክርኑ እብ ፈርሀት እት ተአርዐዴ፡ ዲብለ ቦርሰትዬ ምስልዬ ሐቱ ትፋሐት ሰበት ዐለት ቱ ቤለዩ!

ዎሮቶም እንተ እት ሕሳብክ ለይኣቱካሁ አውመ ትታከዩ ለይዐልክ በሊሰ ዶል ለሀይባኩ። ለበሊሱ ቀለጥ ሀለ እንዴ ትቤ ኢትሕከም እቱ። ምን አመረ እንተ እት ሕሳብ ለይኣቱካሁ ጀዋንብ ሰበት ኢልትሐገል። ወእግል ትፍሀም ሰኒ ልብ እንዴ ከፊክ እግል ትሰመዕ ወጀብኩ። እንተ እብ ኖስከ ለአዳሌካህ ፍክረት አው በሊሰ እት ረአሰከ እንዴ አዳሌክ ኢተአተንሱ። እግለ መጽእ በሊሰ ልብ እንዴ ከፊክ ሌጠ ትፋከሩ ወእብ ምልሃከ ሕሰብ እቱ።

ተበሰም

ዎሮት ነፈር እግል ዎሮት ብዕድ፡ “ምንተ ሰምከ?” እት ልብል ትሰአለዩ። ህቱ ህዬ፡ “በሐር ልብሉኒ” ቤለዩ። ለእናስ አዜመ ምን ሐዲሱ፡ “በሐር ወድ ምን እንተ?” ቤለዩ። ህቱ ህዬ፡ “በሐር ወድ ምሒጥ ልብሉኒ” እት ልብል በልሰ እቱ። አዜመ፡ “ሰም ገለድክ ህዬ ምን ትትብህል?” ቤለዩ። “ሰም ገለድዬመ ሐምደ ልብሉኒ” ቤለዩ። ህቱ ህዬ፡ “ዐጃይብ! ከእክ እግል ልዋጅህ ለሰተተ፡ እት ሰልፍ ጀልበት እግል ልሸቁ ወጅቡ” ቤለዩ።

ወዕለ ‘ብሪክስ’ ወሰብ-ሽርከት ድወል እና ጅምሁርየት ግብለት አፍሪቀ

ተቅራር፡ ዳውሉስ ነታባይ
ሰወር፡ አክላሉ ዘርአዝኒ

እነት ሰነት 2006 እምበል ረሰሚ መዋጅሃት ውዘረኢ ካርጅየት ናይለ እተ ወክድ ለሀይ ሻፍገት ዐቦት እቅትሳድ ወተጠውር እት ለአርእየ ለመጽእየ -ሩሰዩ፡ ህንድ፡ ብራዚል ወቻይነ ክም ፍክረት ለሸበት ወበሸለት፡ እት ሰነት 2009 እት መዲነት የካተሪበርግ -ሩሰየ እተ ገብአ ሰልፋይ ወዕለ ሚርሐት ህዩ፡ ሸክለ ለጸብጠት መጅሙዐት ‘ብሪክስ -BRICS’፡ እት እዲነ መሻርካይ ወሰ-ወይ ንዝም እዳረት እግል ለሀሌ፡ እድንያይ ባንካት ማል እግል አትሓያሴ ክምሰልሁም ምራድ ናይለ እት ተጠውር ለህለየ ድወል እት ሕድ እግል አብይኦት ለሰዴ ለሕሰ መወክላይ ብዘሕ-ቅጥቡ እድንያይ

ተዋልል ለትነፍዐን ጽበጢት ማል (Contingent Reserve Arrange-ment) እሰሰት ህሌት፡ ዕልብ አንፋረ እት ወሰክ ወኩሉ ዐቅም እት ረክብ አክለ ሄረረት ህዩ፡ ምነ አግደ ተእሲር ለቡ ተጀሙዓት ድወል እንዴ ገብአት፡ ለሚዘን ሒለት ምን ቅብለታይ ሰር-ግሎብ አሰክ ግብለት እንክር ዐለም እንዴ ደለቱ፡ እት ዐማር ለህለየ ድወል እብ ዓመት፡ ድወል አፍሪቀ ህዩ እብ ፍንቱይ ሕርያን ብዕድ እንዴ ክልቀት እለን፡ ምን መግዘም መኔዕ ቢይን ወጨቅጥ ስያሰት፡ ክምሰልሁም ሸረክ ማልየት እቱ ኩሩየን ለጸንሐ ዎሮ-ቅጥቡ ንዝም ዐለም ምኑ እግል ለአተባርየን ሰእየት ትገብእ እቱ።
ሄራር ዎሮ-ቅጥቡ ዓማይ ንዝም ዐለም ወዘምታይ እትጅሃቱ ለደህከየን ወመባድእ ‘ብሪክስ’ ለዐጅብየን -አልጄርየ፡ አርጀንቲኒ፡ ባንግላድሹ፡



ንዝም እግል አክዶት ለትክድም ሐረት እቅትሳድ ተ።
እሊ ህንድ፡ እት ሰነት 2010 ክም 5ይት ነፈሩ ለትሓበራቱ ናይ ሐል እብ ተርተረት እት አንፋሩ ድወል ለገብእ ወዕለ ሚርሐት መዝመት፡ ቅያስ 42 ምእታይት በሀሰት 3.2 ቢልዮን ምን ሸዐብ እዲነ እብ ግዲዱ፡ 27% ምን ኩሉ ርሕብ ምድር በሀሰት 40 ሚልዮን ኪሎምትር በረበዕ፡ 18% ምን እድንያይት ተጃረት፡ ክምሰልሁም ቅያስ 23% ምን ኩሉ እተይ እዲነ ለገልብብ ሸክል ዐለ እሊ፡ አግደ አህዳሬ ህዩ፡ ሸርከት እቅትሳድ፡ ተምዊል በራምጅ ዐማር፡ መትካም ስያሰት፡ መትባዳል ዓዳት ወእጅትማዕየት፡ ምህዞ ወቴክኖሎጂ፡ ዐማር ዳይመት፡ ሰላም ወአምን፡ ክምሰልሁም እት ግብለታይ ሰር-ግሎብ እት ተጠውር ለህለየ ድወል ኖሰኖሰን ሕድ ለልዓውነ እቡ አግቡይ ክምክም።
እለ እብ መቅደረት እቅትሳድ ወተእሲር እት ተዐቤ ወትተረድ ትመጽእ ለህሌት መጅሙዐት ድወል፡ ወራታተ እግል ተአሰፊ ወመሰከብት ዐማር ወእቅትሳድ እግል ተአድምን፡ ባንክት ዐማር ሐዳሴ ክምሰልሁም እግል ለገብአ ምን እዴ በረ ላቱ

በሕፊን፡ ቤላሩሴ፡ ቦሊቭየ፡ ቬኒዝዌላ፡ ቬትናም፡ ሆንዱራሴ፡ መስር፡ ኢራን፡ ኢንዶኔዝየ፡ ኩባ፡ ካዛክስታን፡ ክዌት፡ ሞሮኮ፡ ናይጄርየ፡ ሰዑድየ፡ እማራት ዐረብ፡ ፊለስጢን፡ ሰኔጋል፡ ታይላንድ ወአቶብየ ለብእተን 23 ዱላት፡ እተ ሐልፈ ሰኖታት ረሰሚ ሰኣል ናይ መትሓባረን ቀድመ እት ህለየ፡ ብዝሓት ብዕዳት ድወልመ ሕሰር ሃባት ህለየ። ሰበት እሊ መዋመጦርለ “ብሪክስ ወአፍሪቀ፡ ዲብ ሸርከት ዐማር ሕበር፡ ዐማር ዳይመት ወመሓብራይ ንዝም ብዞሕ” ሐንቴለ ትብል ስቅራት፡ ምን ዮም 22 አሰክ 24 አጎሰት ጅምሁርየት ግብለት አፍሪቀ ለትሐደረቱ፡ ሐቆ ገሸለት ኮቪድ-19 እግል ሰልፍ ዶሉ ገጽ-እብ-ገጽ ለገብአ ወዕለ ሐል ሚርሐት፡ ኤረትርየ ለብእተን ሰብ-ሸርከት ድወል ወእድንያይ ወናይ መንጠቀት መዝመት ለሐድረያሁ እጅትመዕ ትዝመ።
ርኢስ ኢሲያስ አፍወርቂ፡ ርኢስ መትሐድራይት ደውለት ወበዕል-መንበር 15ይ ወዕለ ሚርሐት ‘ብሪክስ’ ርኢስ ጅምሁርየት ግብለት አፍሪቀ ሲሪል ራማፎዝ እበ ለወደየ እሉ ዐዘመት፡ እት ዮም 22 አጎሰት ሳዐት 7:00 አሰቦሕ ምን አሰመረ እንዴ

ትበገሱ ሐቆ ናይ 6:30 ሳዐት መግዕዝ ጀው፡ እድንያይ መከራይ ጥያራት ‘ኦሊቨር ታምቦ’ እቱ ክም ትክራ፡ እብ አሲራር ሕሸመት ወትልህያታት ዓዳት ኩብቱ ናይረት ገብአት እሊ።
ርኢስ ኢሲያስ እተ ካልእ ምዕል ዝያረቱ፡ ምስሉ ለጌሰ ወዘር ካርጅየት አሰይድ ዑስማን ሳልሕ ለብእቱ ውቁል ወፍድ እንዴ ተለዩ፡ ምን ጆሃንስበርግ 40 ኪሎምትር ለትራይም ሕክም አፓርታይድ እት ሰነት 1976 እት ረኣሰ አብርያእ ጸላይም ውላድ ግብለት አፍሪቀ ጀራይም-ቅታል ለአጅረ ዲቤ ዕላመት ንዳል ድድ እሰትዕማር ፈናታይ-አሰሊት ላተ ታሪካይት መዲነት ሰዌቶ በጽሐ። ሰነን እብ ሰሰዒት ዓዳቶም እበ ወደወ እሉ ኩብቱ ውጅህት ህዩ፡ መትሐፍ መናድል ወድ ግብለት አፍሪቀ ወሰልፋይ ጸሊም
መዝመት፡ እብ ተርተረት ከሊማቶም እግል ለአሰምዖ በክት ተህየቦዮም። ርኢስ ኢሲያስ አፍወርቂ ህዩ፡ መብደእ ኤረትርየ እተ ዛልም ዎሮ-ቅጥቡ እድንያይ ንዝም ወሰብቡ ለህለ አዝማት ወክቡድ መሻክሉ ለልኦፍህም ሸፊሕ ቀደመ። (ሸፊሕ ርኢስ ኢሲያሴ፡ እት ገጽ 2 ረኣው)።
መዋመጦርለ ወዕለ፡ ርኢስ ኢሲያሴ፡ ምስል ርኢስ ጅምሁርየት ግብለት አፍሪቀ ሲሪል ራማፎዝ፡ ርኢስ ጅምሁርየት ግብለት ሱዳን ሳልሻኪር ማያርዲት፡ ርኢስ ውዘረኢ ሜድ ሳልሕ ኬብዞ፡ ክምሰልሁም ምስል ውዘረኢ ካርጅየት ቤላሩሴ ወቬኒዝዌላ በን-በን እተ ወደሁ መፋህማት፡ እት ጠወሮት ዕላቀት ክልኢቱ ጀሃት ወሰዳይት ሕድ፡ ክምሰልሁም መስለሐት ሕበር እተ ብእቱ እድንያይ ወናይ መንጠቀት ጋራት ወተጠውራቱ ለአተንክበ ህድግ ወደ።
እት ዮም 25 አጎሰት፡ ርኢስ ኢሲያስ አፍወርቂ ወርኢስ ጅምሁርየት ግብለት አፍሪቀ ሲሪል ራማፎዝ እተ ወደወ፡ ውዘረኢ ካርጅየት አሰይድ ዑስማን ሳልሕ ወሚሰስ ናሌዲ ፓንዶር እተ ሐድረው ዲበ ህድግ፡ አትሐዘዮት ወቀሎት ዕላቀት ኤረትርየ ወግብለት አፍሪቀ እግል መስለሐት ክልኢቱ ገባይል ወምኑ ወኬንመ
ርኢስ ጅምሁርየት ግብለት አፍሪቀ - ኔልሰን ማንዴላ፡ ክምሰልሁም ጄዝባይ ቤጽሐት ተእራካይ መባኒ ወሰግ ሸዕቢ እት ዘውር ረኣ።
‘ብሪክስ’ እት ዮም 23 አጎሰት እተ ወደየ እት ሰልፋይ አሸቃል አፍይሐት አንፋሩ፡ እግል አርጀንቲኒ፡ መስር፡ ኢራን፡ ሰዑድየ፡ እማራት ወአቶብየ ረሰሚ እት ልትክበት፡ ዕልብ አንፋሩ ምን 5 እት 11 እተ ወቀለ እቱ ወዕለ ሚርሐት፡ ሚርሐት ናይለ አርበዕ መአሰሰት ድወል እብ ሕዱር፡ ርኢስ ፈደደሸን ሩሰየ ህዩ እብ ቃብል ሸፊሕ ቀደመው። ርኢስ መትሐድራይት ደውለት ወበዕል-መንበር 15ይ ወዕለ ሚርሐት ‘ብሪክስ - ሲሪል ራማፎዝ እተ አሰመዐየ ከሊመት፡ አርሐቦት አንፋር፡ አደቃብ ናይለ ተጀሞዕ ወተእሲሩ እግል ሕሰ መስተቅበል ክምሰል ቱ እት ለአፍህም፡ ብዞሕ-ቅጥቡ ንዝም ዐለም እግል ልሰበቅ ለህለ መብደእ ተጀሞዕ ‘ብሪክስ’ እብ ድግማን አከደ።
ከሚስ 24 አጎሰት፡ እጅትመዕ ‘ብሪክስ’ ወሰብ ሸርከቱ ለገብአ እተ ዕለት ተ። እሊ አምዕል እብ ግዲደ ለአተላለ እጅትመዕ፡ ቅያስ 65 ሚርሐት ድወል ክምሰልሁም መስኢሊን እድንያይ ወናይ መንጠቀት




መዝመት፡ እብ ተርተረት ከሊማቶም እግል ለአሰምዖ በክት ተህየቦዮም። ርኢስ ኢሲያስ አፍወርቂ ህዩ፡ መብደእ ኤረትርየ እተ ዛልም ዎሮ-ቅጥቡ እድንያይ ንዝም ወሰብቡ ለህለ አዝማት ወክቡድ መሻክሉ ለልኦፍህም ሸፊሕ ቀደመ። (ሸፊሕ ርኢስ ኢሲያሴ፡ እት ገጽ 2 ረኣው)።
መዋመጦርለ ወዕለ፡ ርኢስ ኢሲያሴ፡ ምስል ርኢስ ጅምሁርየት ግብለት አፍሪቀ ሲሪል ራማፎዝ፡ ርኢስ ጅምሁርየት ግብለት ሱዳን ሳልሻኪር ማያርዲት፡ ርኢስ ውዘረኢ ሜድ ሳልሕ ኬብዞ፡ ክምሰልሁም ምስል ውዘረኢ ካርጅየት ቤላሩሴ ወቬኒዝዌላ በን-በን እተ ወደሁ መፋህማት፡ እት ጠወሮት ዕላቀት ክልኢቱ ጀሃት ወሰዳይት ሕድ፡ ክምሰልሁም መስለሐት ሕበር እተ ብእቱ እድንያይ ወናይ መንጠቀት ጋራት ወተጠውራቱ ለአተንክበ ህድግ ወደ።
እት ዮም 25 አጎሰት፡ ርኢስ ኢሲያስ አፍወርቂ ወርኢስ ጅምሁርየት ግብለት አፍሪቀ ሲሪል ራማፎዝ እተ ወደወ፡ ውዘረኢ ካርጅየት አሰይድ ዑስማን ሳልሕ ወሚሰስ ናሌዲ ፓንዶር እተ ሐድረው ዲበ ህድግ፡ አትሐዘዮት ወቀሎት ዕላቀት ኤረትርየ ወግብለት አፍሪቀ እግል መስለሐት ክልኢቱ ገባይል ወምኑ ወኬንመ

ለአትሐዘ፡ እሊ እግል ልታመም ህዩ፡ አትሓያስ ውሕደት አፍሪቀ ወወጅሆት አህዳፍ ተጀሞዕ ብሪክስ ክም ለአትሐዘ ትፋህመው ዲቡ።
ርኢስ ኢሲያስ ምስል ርኢስ ሰርሻኪር ወርኢስ ውዘረኢ ሜድ ሳልሕ ኬብዞ እተ ወደየ ጀልሳት ህዩ፡ እት ጠወሮት ዕላቃት ክም ትፋህመው፡ ወዲብ ጋራት ሕበር ረኣይ-ሕድ ክም ነስኣው፡ እት ሱዳን ቃንጽ ለህለ ሐርብ እግል ልብጠር ድወል ግዋረ ሱዳን ለነስኣህሁ ጅህድ እብ ለሕሰት ምስል ክም ለትጻገመ ዲቡ እተ ለልኦተቅድር ጋራት ህድግ።
ርኢስ ኢሲያሴ፡ ምስል ወዘር ካርጅየት ቤላሩሴ ሰርጌ አሰይኒክ ወወዘር ካርጅየት ቬኒዝዌላ የርሻን ጌል፡ እት አደቃብ ዕላቀት እቅትሳድ ወሰያሰት፡ አግደ ህዩ እት እድንያይ መራሕል እተ ገብእ መቅሬሕ ወመግወነት ለረከዘት መፋህመት ወደ።
እምበል እሊመ ርኢስ ኢሲያስ ወምስሉ ጋይስ ለዐለ ወፍድ ኤረትርየ፡ ምን መዲነት ጆሃንስበርግ 30 ኪሎምትር እንዴ ፊመት እተ ብኒት ለህሌት መአሰሰት ቴክኖሎጂ ሃይድራፎርም (Hydraform) ዝያረት ወደ።
እሊ መስነዕ እሊ፡ ለልትለጠም ጦብ፡ ክምሰልሁም እግል በላጥ ወዕርጌ



እንዴ አመመት፡ እት ሙስተቅበል እብ መዋጅህት ውቁላም ሰብ ሰልጠት ክም ትደቀብ እግል ልግበእ ትፋህመው።
እት መሳሌሕ ሕበር ለቡ ቅደይ መንጠቀት ወእዲነ እተ ወደወ መፋህመት ህዩ፡ ተጠውር ሕበር ገባይል እግል አክዶት፡ አትጻባጡ ወአትመቃርሐቱ ምህም ክም ቱ እት ለአክዶ፡ እትሓድ አፍሪቀ ወተጀሞዕ ብሪክስ እትሊ መጃል እሊ እብ እንትበህ እግል ልሸቀው ክም

ለገብእ ተርኢኻ ወእሉ ለሸቂ ኣላት ማሸኔሪ ለልኦፊሬ እት ገብእ፡ መርህዮ እሰመንቲ ወሲክ ለልኦመጽእ ክም ቱ፡ መመቅራሐትለ መስነዕ ሸርሐው እሉ ወእብ መጅብ መሸርዕ ለትዳለ ናይ ፍዕል መርኣይታት ገንሐ።
ርኢስ ኢሲያስ አፍወርቂ፡ ናይ አርበዕ ምዕል ዝያረቱ እት ጅምሁርየት ግብለት አፍሪቀ እንዴ አትመመ፡ እት ዮም 26 አጎሰት ሳዐት 4:00 አልዐሰር አሰመረ አተ።



ሻምፒዮን ኮበሪት እግር አቅሊም ግብለት ጅግራታቱ አንበታ



እግል ማይምኔ 1-0 ቀልበሆን። ሰንይቲም እብ ስኒት መሓሪ ወአፍረሕ አብርሂም ክልኡት ጎል እንዲ ሰጅለዩ፡ እግል ማይዐይኒ 2-0 ሳርሐያሆን። እምኒ-ሐይሊ እግል ጸሮና ህዩ 1-0 እት ቀልቡ፡ ጎል ለኣቲት መለይ ዘሚካኤል ተ።

እትሊ ትልህያታት፡ ምን አወላይ ዲቪዝዮን፡ ሚሪ ኦብረሃም-ሰንዐፊ፡ ዮሃና ክፍላይ - ድባርዋ፡ መርሃዊት ሹምባሕሪ - ደቀምሐሬ፡ ክምሰልሁም ምን 2ይ ዲቪዝዮን ሐርሰ-ጎል ላተ ሳብሪን ዑስማን - እምኒ-ሐይሊ፡ መብርሂት ተክሌ - ዐረዛ፡ ወሰኒት መሓሪ - ሰንይቲ ጀዋእዝ ናይ ለሐሰየ መተልህየት ነስኦዩ።

እትሊ ጅግሪ፡ ምን 2ይ ድቪዝዮን ለፈደበ ፈሪቅ እት አወላይ ዲቪዝዮን እግል ልትዐዴ ተ። ምን አወላይ ዲቪዝዮን እንዲ ሐምቀ ዝናቡት ለፈግረ ፈሪቅ ህዩ፡ ተሐት እግል ልትከሬ ክም ተ፡ ሐብሬ ልጅነት ናይላ ጅግራታት ተኣክድ።

ጅግራታት ሻምፒዮን ኮበሪት እግር አቅሊም ግብለት፡ ሰንበት ዐባይ 27 ኣጎስት እት መዲነት ደቀምሐሬ አንበተ።

እሊ 12 ምዴርየት ለክምክም ጅግሪ፡ እት አወላይ ወካልኣይ ዲቪዝዮን ኩፉል ሀለ። እብሊ ህዩ፡ እት አወላይት ምዕል ናይ አወላይ ዲቪዝዮን ለተልሀው ፍረቅ አዋልድ ሰንዐፊ ወመንደፈረ እት ገብኡ፡ ሰንዐፊ 1-0 ቀልበዩ።

ሐቀህን ለተልህየ ድባርዋ ቅባል

ዐዲኳላ እት ገብኡ፡ ዐዲኳላ እት 21 ደቂቀት እብ ሰምሃር ጸጋይ፡ ወድባርዋ እት 68 ደቂቀት እበ ኣተያሁ አግዋል፡ 1-1 ትፈናተዩ። እምበል እሊ መ ደቀምሐሬ ምስል ዐዲቀዬሕ እት ወደያህ ትልህዩ፡ ደቀምሐሬ ሐቀ ዕርፍ እብ መርሃዊት ሹምባሕሪ፡ ሚላት ብርሃኔ ወሰዕድየ መሐመድ እበ ኣተያሁ አግዋል 3-0 ተወተዩ።

ናይ ካልኣይ ዲቪዝዮን፡ ዐረዛ መብርሂት ተክሌ እበ ረክቡቱ ጎል፡

ኮበር ሻምፒዮን ፕሪቲፊኬሽን ወልም



እድንያይ ሰዐይ መራቶን

እብ 2 ሳዐት፡ 8 ደቂቀት ወ53 ካልኢት ተወተ ዲቡ። እብሊ ህዩ፡ ኡጋንዳ እት ሰነት 2013፡ እብ ሰቴፈን ኪፕሮቲች ለትወተት ዲቡ ሰዐይ መራቶን፡ ኣዜመ ካልኣይ ዶል ዕውትት እቡ ህሌት። ደርብ ኪፕላጋት፡ ወድ እስራኤል ማሩ ተፈሪ ወኡብያይ ልኡል ገብራሰላሴ ዕውታም መዳልያት ወርቅ ወአስራዲ ገኣው።

እትሊ ጅግሪ ለሻረከው ኤሪትሮፖን፡ ኣትሌት ብርሃኔ ጸጋይ 33ይ ለኣቲ ዲብ ሀሌ፡ ኦሊምፒካይ ኣትሌት ጎይትኦም ክፍሌ 48ይት ደረጃት ኣተ። ኦሊምፒካይ ኣትሌት ዑቅቤ ክብርም ላኪን፡ ለጅግራመ እግል ለኣትምም ኢደቅቡ።

ፈሪቅ ኣትሌቲክስ ኤሪትሮፖ፡ ማሌ ለሀ ለተመ ሻምፒዮን ኣትሌቲክስ ዐለም 2023 እቲ፡ ዲብ ኣትሌት ሺክቶር ኪፕላጋት

ጅግሪ ሰዐይ ማራቶን ሻረከ። እሊ ጅግሪ፡ ወድ ኡጋንዳ ኣትሌት ሺክቶር ኪፕላጋት

ጅግራታት ኮበሪት እግር፡ ፕሪመር-ሊግ እት 3ይት ሳምንቱ

ለሐልፊዩ ጅምዐት ወሰነብት፡ ለድቁብ ፍረቅ ፕሪመር ሊግ ጅግራታቱ ፍንጌ 20 ፈሪቅ ዋዲ ዐለ። ቼልሲ፡ ቶተንግሆም፡ ማንሮኖይትድ፡ ዌስትሃም፡ ማንሲቲ፡ ወሊቨርፕል ገሌ ምን ትወተ ከፈግረ ፍረቅ እት ገብኡ፡ ንቀጡ ውቁል ሀለ።

ማንቼስተር ሲቲ እብ ሲዕ ንቅጡት ለሊግ መሬሕ ለሀለ እት ገብኡ፡ ዌስትሃም፡ ቲተንግሆም፡ ሊቨርፕል ወአርሰናል እብ ፈርግ አግዋል ሰብሰዐ ንቅጡት ለቡ ፍረቅ ተ።

እትሊ ሳምን ጎነ ሰነትብ እት ገብኡ ትልህያታት፡ ቼልሲ እግል ሉተን ታውን 3-0፡ ቲተንግሆም እግል ቦርኔማውዝ 2-0፡ ማንሮኖይትድ እግል ፍቲንግሃም 3-2፡ ዎልቭስ እግል ኤቨርቶን 1-0፡ ዌስትሃም እግል ብራይተን 3-1፡ ማንሲቲ



ቼልሲ እግል ሉተን ታውን (3-0)

እግል ቪልላድ 2-1፡ ኣስቶን ቪላ እግል ቦርንጊልይ 3-1፡ ወሊቨርፕል እግል ኒውካሰል 2-1 እት ቀሉባም፡ ብሬንትፎርድ ወክሪስታል ፓላስ 1-1፡ ክምሰልሁመ አርሰናል ወፋልሃም 2-2 ደርን ትፈናተው።



ዌትሃም እግል ብራይተን 3-1

ፈሪቅ ደንደን፡ እብ ውላድ ወአዋልድ ተወተ



ሻምፒዮን ኮበሪት እግር አቅሊም ምግብ ውላድ ወአዋልድ ምውስም ርያደት 2022/2023፡ እት ሐልፈት ሰንበት ዐባይ እት ተመ ዲበ ኢነት፡ ናይ ውዛረት ድፊ ናዲ ደንደን እብ ውላድ ወአዋልድ ምን ኩሉ ፍረቅ ሐሰ።

ለምዕል ለሀ፡ ኩሉ ኣዳም ልታከዩ ለዐለ ትልህዩ፡ ናይላ ኣክልሕድ ንቀጥ ለዐለ እሎም ፍረቅ ደንደን ወበሐር ቀየሕ ቶም። ደንደን፡ እብ ዝያደት ጎል መርሐ ሰበት ዐለው፡ ኣክልሕድ ምን ፈግሮመ ካርጀም ዐለ። ደዓም ሻምፒዮን ናስኦ ለዐለ ናዲ በሐር-ቀየሕ ህዩ፡ ሕሽመቱ እት ኣካነ እግል ለሐዋጠ ገብኦ ምን ገብኡ፡ ላዝም እግል ልቅሉብ ዐለ እሉ።

ክእነ ከልፍየት እበ ሚዳን ለኣተው ዐባይ ፍረቅ፡ እት አወላይ ሾት ትልህዩ ቀልዐት ሰበት ኣርኣው፡ መትፈርጃይ እግል ልረይሐ ኢቀድረው፡ ገሌ ጀርቤታት ወደው ድኢኮን፡ ለ45 ሰልፋያት ደቃይቅ ላተ እምበል ጎል ተመዩ።

ሐቀ ዕርፍ፡ ፈሪቅ በሐር ቀየሕ፡ ሕሳል ሚርሐት እግል ልትኣልበጦ ለልኣተቅድሮም ጎል እግል ልሕዘው ሕንጉል ቤለው። ፈሪቅ ደንደን ላኪን፡ ወቅት እግል ለኣብዱ ወዋኖ ዐለው፡ (እብ ፍንቲት ሐረስ ጎሎም)።

እትሊ 2ይ ሾት ጎል ኢትረከበ ወኣክጠእመ ኢወሐደ። ትልህዩ ህዩ 0-0 እግል መስለሐት ደንደን ገብኡት። ከፈሪቅ ደንደን ናይ ዮም ዓመት ሻምፒዮን ምን ነክክ በሐር-ቀየሕ ናስኦ ሀለ። ካፒቲን ናይላ ፈሪቅ ሚክኤል ዘርኣይ ህዩ፡ ለሐሰ መተልህያይ ናይላ ትልህዩ ነስኦ።

እምበል እሊመ፡ ደንደን እብ አዋልድ ሻምፒዮን ክም ነስኦ ምን ጽባብሐ እትእመር ዐለ። ቅባል ተእሚናት እት ወደያህ ትልህዩ ህዩ 4-1 እንዲ ቀልበዩ፡ ዐውቲህን ደረዐዩ። ኣድያም ኣቶብርሃን ናይ ናዲ ደንደን ህዩ ለሐሰት መተልህያይት ገብኡት።

እሊ ክእነ ዲብ እንቱ፡ ትልህዩ ናይላ እግል 3ይት ደረጃት ምን ቀዳሞም ልትገሐሎ ለኣክረመው ኣስመረ ቢራ ወኣልተሕሪር፡ ነፍሰ ለምዕል ገብኡት። በሐር-ቀየሕ ምን ሚርሐት ለዐንቀፈ ናዲ ኣልተሕሪር ህዩ፡ እብ ጸቢብ 2-1 እግል ኣስመረ ቢራ ቀልበ ከ3ይ ተርቲቡ ጽብጠ።

ኣዱሊስ እብ 27 ንቅጡት፡ ሸርከት ሰምበል እብ 26፡ ኣስመረ ቢራ እብ 25፡ ማይተመናይ እብ 20፡ ሸርከት ሰገን እብ 16፡ ቲራቮሎ እብ 11፡ ወዕዳጋ ሐሙስ እብ 8 ንቅጡት፡ ምን ራብዓይ ኣስክ 10ይ ተረት ገብኡው።

እብሊ ህዩ፡ እብ ክልኢቱ ውላድ ወአዋልድ ሀርመ ናይ እሊ ምውስም ለነስኦ ናዲ ደንደን፡ 30 መዳልየት ደሀብ፡ ካስ ዐቢ ወ40 ኣልፍ ነቅፈ ተህየቡ። እብ አዋልድመ ነፍሰ ለጃእዘት ከምተተ። እብ ውላድ 2ይ ለፈግረ ፈሪቅ በሐር ቀየሕ፡ ወ2ይ እብ አዋልድ ፈሪቅ ሸርከት ሰገን 30 መዳልየት ወርቅ ወ30 ኣልፍ ነቅፈ፡ እት ክልኢቱ ጅግሪ 3ይ ለፈግረው ኣልተሕሪር ወተእሚናት ህዩ፡ ክል ምኖም 30 መዳልየት ኣስራዲ ወ20 ኣልፍ ነቅፈ ጀዋእዝ ነስኦው።

እምበል እሊመ ምን ፈሪቅ ደንደን ድያና እስቲፋኖስ እትሊ ትልህያታት ምውስም 24 ጎል ሰበት ኣቲት፡ ክምሰልሁመ 12 ጎል ለኣተ መተልህያይ ኣስመረ ቢራ ኣቤል ወልደዬሱስ “ለበዝሐ አግዋል ለኣተው” እንዲ ትበህለው፡ ክል ምኖም እስኦን ደሀብ ወ1,500 ነቅፈ ተህየቡት።

ምን ዝሕረት መህረጃን 2023

አቅሊም ግብለት

አቅሊም ግብለት ሐቴ ምን ሱስ አቃሊም ኤረትርየ እትገብእ፡ እንክር ግብለት ናይ ኤረትርየ ልትረከብ፡ እብ መትወቃል ልትርኤ እት ህለ ምን 937 ምትር ምን ጠፋሐት ቦሐር ድዋራት ማይ-አልበ ምዴርየት ድባርወ አስክ 2997 ምትር ምን ለዐል ጠፋሐት ቦሐር ደብር እምበሲረ ልትረከብ ዲቡ። ሐድ 9731.05 ኪሎ ምትር መረባዕ ርሕብን ለቡ ወሐድ 800 አልፍ ሽዑብ ለነቡሩ አቅሊምቲ። እምበል እሊ እብ 232 እዳረት ደዋሒ ለልትመራሕ 1013 ዐዶታት ለከምክም እትገብእ ቀውምያት ትግርኛ፡ ሳሆ ወትግራ ሐቅፍ።

አቅሊም ግብለት 12 ምዴርያት 8 መዳይን 10 ሽብህ መዳይን ልትረከብ ዲቡ። ለመዳይን መንደራረ፡ ዐዲ ቀይሕ፡ ዐዲ ኳል፡ ድባርወ፡ ደቀምሐሬ፡ ሰገነይቲ፡ ሰንዓፌ ወማይድማ ተን።

1. ከዛናት ወራህያታት

እሊ አቅሊም እሊ ለትፈናተ ቅያስ ለቡ ራህያታት ወከዛናት ህለ እቲ። ብዙሕ ሸቁል ናይ አሸረዐት ገብእ እቱ ለህለ አቅሊምቲ። ገሌ ምን ለትከደመ አሸቃል 3490 ሄክታር እግል ልግመል ለቀድር መሸከፊ ውሒዝ እት ሃዳድም፡ መሓዝ ሸር፡ ደቂሌፋይ፡ ቀይሕኮር ወሰሳሕ ልትሸቁ እት ህለ፡ እብ ቅጠር ማይ መስኖ ለገምል 298 ሄክታር አርድ ክም ህላመ ልትአመር። እት አቅሊም ግብለት 153 ከዛናት 256 ራህያታት ወ 8 መሸከፊ ውሒዝ እትህሊ ለ 116 ከዛናት 253 ራህያታት ሐቅ ሕርየት ለትሸቃቲ።

2. ዕጩ ወሐዋን ከደን

አቅሊም ግብለት እት ቀላቅል፡ ሽብህ ቀላቅል፡ ወአውለት ለልትከፈል አቅሊምቲ። ምስል

3. ርዝቅ እንሱስ

እሊ አቅሊም እሊ እብ እንሱስ ዐድ መ ርዙቅቲ። ተአምርተ ናይ እሊ 6435 ናይ ሐሊብ አሐ ለልትረከበ እተን 234,855 አሐ፡ 435,312 ዐጣል ወአጣግዕ፡ 464,968 ደወርህ፡ 8544 እብ ዘበናይ አግቡይ ዲብ ራዐየት ለልትረከብ 20,749 ቀፎ ንህብ፡ 77,302 መጽዕን፡ 7294 ህዩ እንሰ መልክ።

4. ጽርግያታት

ጽርግየ እብ ከሰስ ምን ቅብለታይ ሕዱድ አቅሊም ምግብ መንጉደ ወወቀርቲ

5. ከደማት አውጃዶት ማይ

እት ብሩር፡ 203 ዐዶታት እብ ጣቀት ሶሳር፡ 57 ዐዶታት እብ መቶር፡ 82 እብ ከርሀበት

6. ከደማይ ዓፍየት

እት መጃል ከደማት ዓፍየት ዲብ ዓፍየት ወሳረየት ሕማም ለልትሐመድ ሸቁል እብ አውቀየት ነቲጀት ሰኔት ሸጅል ክም ህለ ልትአመር። እትሊ ወክድ እሊ 1 መርጅዕየት እስፒዳልየት፡ 4 እስፒዳልየት፡ 4 ናይ መዕየ እስፒዳልየት፡ 9 ምግባይ መርከዝ ዓፍየት፡ 42 መርከዝ ዓፍየት፡ ወ2 መአሰሳት ራዐየት እም ወግርዝ እብ ጀምዕ 62 መአሰሳት ዓፍየት እግል ሸዑብ ክድመት ህይብ ህለዩ።

ሰብ መቅደረት እብ ከሰስ 35 ደካትረ 4 ሰፕሻሊስት

7. ከደማት ታዕሊም

እሊ አቅሊም እሊ እብ መትመዳድ መዳርስ ግሩም ልሄርር ለህለ አቅሊም እትገብእ፡ 70 መዕየ ራዓዮት አግሩዝ፡ 91 ንዙም ረውዳት፡ 261 መአንብታይ ደረጀት፡ 93 ምግባይ ደረጀት፡ 29 ህዩ ካልኣይ ደረጀት በህለት ሰነውየት እብ ጀመዕ 545 መአሰሳት ታዕሊም ህለዩ። 1483 አዋልድ አንሳት ለልትረከበ ዲቦም 4018 መደርሲን ለህሉ እት ህለው፡ እብ ዓመት 94,887 አዋልድ አንሳት ለልትረከበ ዲቦም 202,496 ደረሰ ህለው።

8. ሲያሐት

አቅሊም ግብለት ብዙሕ አሳር ለልትረከብ ዲቡ አቅሊም ሰበትቲ፡ እግል ናይ ቀበት ዐድ ወካርጅ ሲያሐዩን ለልኣትናይት ቲ። ገሌ ምን አሳር፡ ቀሓይቶ፡ ከስከሴ፡ መጠረ (በለው ከለው) እግል ቀዲም አሳር ለሸርሕ ሃም በራክናህ፡ እንዳ 'በመጣዕ፡ አቡኔ መንቀርዮሱ፡ አቡኔ ዮናሱ፡ እግል ደያነት ወዓዳት ቀዳምያም ለሸርሕ እት ብራናታት ለትከተብ፡ ሰወር ውቁር፡ መዓሊ ወሀይክል ወድ-አዳም ለልትረከብ ዲቡ ገዳማት፡ በዓት ሰሌም፡ በዓት ማእለውዮ፡ በዓት ሕሸመሌ፡ ዓዲ ጋውል፡ ዓዲ ባሪ፡ ለትወቀረ ሰወር ወክቲብ ቀዲም ናይ ዋወር አሳር ለልትረከብ ዲቡ፡ ዳዕሮታት፡ እግል ደያነት ወዓዳት ለሸርሕ ለትፈናተ ገዳማት ወማይ ዳድቅ፡ አካናት ዝያራት ለሸምል ለህሌ እት ህለ፡ ወጠን ዲብ ሐረሮት ወአድመኖት እተ ለገብእ ሐርብ ዐጃይብ ወፈራሰት ምን ለገብእ እቲ ሳትሮታት ህዩ፡ ጀብህት ደቀምሐሬ፡ ድፋዕ እግሪ መኸል ወዓዲ በጊዮ ዝክረት ልትቀደር።









ሐዲስ ወገዲም ናይ ትርበት ጽርግየ ምዱድ ህለ።

ወ343 ህዩ እብ ፓምፕ። እት መዳይን፡ 20 ባሰካት፡ ሐድ 8000 ምትር መከዐብ ማይ ለጸብጠ፡ ዝያድ 9000 ዐዳድ ማይ እግል ዘባይን ልትህየብ እት ህለ፡ 325 ኪሎ ምትር ለሪሙ ከዋ ዐነድር ምዱድ ህለ። እብ ዓመት ዓማት ማይ መዳይን ምን ተሐት አርድ ለረክዝ እት ገብእ እብ ዕመማይ 90 ዓሊ ህለዩ።

አውጃዶት ማይ መቃብል መትነፍዓይ፡ እብ ሕኩመት ወሽዑብ እት አውጃዶት ማይ ለገብእ ካድም ልትርኤ እት ህለ፡ እት 2010 ለዐለ 73% ገብእ እት ህለ፡ እትሊ 12 ሰነት ለትሸቀ ዲብ 80% ውቁል ህለ። ምን እሊ ዲብ መዳይን ወሽብህ መዳይን ለነብር 23.9% ገብእ እት ህለ ለተርፈ 76.1% ህዩ እት ብሩር ለነብር ሸዑቡ።

6. ከደማይ ዓፍየት እት መጃል ከደማት ዓፍየት ዲብ ዓፍየት ወሳረየት ሕማም ለልትሐመድ ሸቁል እብ አውቀየት ነቲጀት ሰኔት ሸጅል ክም ህለ ልትአመር። እትሊ ወክድ እሊ 1 መርጅዕየት እስፒዳልየት፡ 4 እስፒዳልየት፡ 4 ናይ መዕየ እስፒዳልየት፡ 9 ምግባይ መርከዝ ዓፍየት፡ 42 መርከዝ ዓፍየት፡ ወ2 መአሰሳት ራዐየት እም ወግርዝ እብ ጀምዕ 62 መአሰሳት ዓፍየት እግል ሸዑብ ክድመት ህይብ ህለዩ።

ሰብ መቅደረት እብ ከሰስ 35 ደካትረ 4 ሰፕሻሊስት

አዲተርየዐገላክ

16ይት ሰነት ዕልብ 36

አርቡዕ 30 ኣጎሰት 2023

ገጽ 12